

Kareta PaarꞰ Nennoko'pꞰ Ron Pon Kon Ena' Ekamanin

Kareta PaarꞰ Nennoko'pꞰ Ron Pon Kon Ena' e'menuka'pꞰ, tꞰuti e'ma ta' to' ekonekato' pe iye'kuu'pꞰ rꞰ'pꞰ tꞰutito' pe so'si Ron po na'ne' pona. Iyekonekato' esi'pꞰ te'tarawasomato' pe KꞰri'san amꞰ' koro'tau miri yau aka'ne' pe ri, miri awonsi'ki to' uya tꞰpika'tii' tꞰutito' pe SꞰ'pen pona. Imenuka'pꞰ iya KꞰri'san amꞰ' uya apurito' to'ka'nꞰkꞰ tꞰuya ekamanin pe miri awonsi'ki KꞰri'san amꞰ' uko'manto' tenpoikai' inku'pai te'to' ri. Kareta yau iyenuka'sa' pe inekamanꞰ itekareei esi.

Miyari ta tꞰpo ka'pon amꞰ' so'si tawon kon Ron pon kon pi' miri awonsi'ki to' pana'ti tꞰpo to' pona tꞰwipꞰremato' pi', PaarꞰ uya ekama tꞰkaretaai yau tꞰusauro'to' ipi': “Itekare uya enpoika Papa uya ka'pon amꞰ' konekato' tꞰpokon pe: Apurito' poro iyepiya'ti'pꞰ si'kiri iu'matꞰ pꞰ'kꞰ pona” (1:17).

PaarꞰ uya nin si seri tꞰusauro'to' ipi' emo'ka. Tanporo ka'pon amꞰ', asa'ri ri EsuwerꞰ amꞰ' miri awonsi'ki EsuwerꞰ amꞰ' pen, ekonekato' pe iyesi Papa pokon pe, apꞰne pꞰra tanporo ri isi'kaisari ri makoi meruntirꞰ o'no to' esi pi'. Ka'pon amꞰ' ekoneka Papa pokon pe Sises KꞰrai apurito' to' uya poro. TꞰron ni, PaarꞰ uya ekama emenna' pe uko'man nito' KꞰrai ya' tꞰwenai' ipokon pe e'nito' seri si emenna' pe Papa pokon pe e'nito' moron

nu'pu pe. Papa pokon pe apurinin e'to' esi ewankamanin puṛa miripan emo'ka Papa Akwaru wini makoi miri awonsi'ki uma'tan nito' meruntiru apai. Isa'ta 5—8 yau Paarṛ ri mari uya ekama usauroku Papa iwano' main e'to' mirito' tukai', miri awonsi'ki Papa Akwaru meruntiru pi' apurinin pe te'sen uko'manto' yau. Miri awonsi'ki itekare ekamai' enno'sa' e'kaai'ma a'toman nito' pokon pe miri kasa Esuweru amṛ' miri awonsi'ki Esuweru amṛ' pen epata'ti ka'pon amṛ' iwano' pe Papa nukonekanu ya' tawon pokon pe. Iye'nonka Sises ewaruma'tito' Esuweru amṛ' uya esi, Papa ekonekasa' pe ri tanporo ka'pon amṛ' ne'nin pe Papa uya waku nonkato' Sises Kurai yau eporo to' uya poken, miri awonsi'ki apuri iya tiwiri ri Esuweru amṛ' uya Sises ewaruma'ti pen tukai'.

Iu'matu pe Paarṛ uya imenuka se kasa Kuri'san pe e'ni uko'manto' esi tukai', tṛusi'nṛnkai' tṛon kon pokon pe e'nito' pi'. Anṛnpitu iya tṛsauro'to' ipi' ton pe Papa apiyo' pe e'nito' pi', pata esanon pi' tṛtṛrawasooi kon ku'to' Kuri'san amṛ' uya pi', miri awonsi'ki isitonpa pe te'to' ku'to' pi', miri awonsi'ki ewan wanni uya i'tun nito' pi' uta'toman nito'. Tukaretaai i'ma'ka iya tekareei ton ke ri miri awonsi'ki Papa apuripi'to' main ke.

Iyawon Ekamanin

Ekamanin miri awonsi'ki isauro'to' ipi' (1:1-17)

Epika'tin nito' i'se kuru e'nito' (1:18—3:20)

Papa eseru epika'tin nito' pi' (3:21—4:25)

Emenna' pe uko'man nito' Kurai yau (5:1—8:39)

Esuweru Papa ekonekato' yau (9:1—11:36)

Kuri'san pe e'ni e'to' (12:1—15:13)

Iye'nonkato' miri awonsi'ki tumiri pe miyari
tato' iya (15:14–16:27)

¹ Paar_u, Sises Kurai poitor_u, esa'sa' itekare eka-
mai' enno'sa' pe, imo'kasa' wak_u Papa ekareei
iwano' pe, winipaino.

² Seri itekare ikup_u uya tukai' isaurok_u'p_u r_u'p_u
pena pu'kena' am_u' imaimu pe t_usauro'san poro
Wak_u iye'menukasa' itekare yau

³ tumu pi', ka'pon pe te'to' yau Tepi' pa r_u'p_u pe
na'ne'.

⁴ Wak_u pe te'sen Iya'kwar_u poro ekamasa' r_u'p_u
merunti ke Papa Mu pe* iye'm_u'sa'ka wini iy-
eriku'p_u apai: Sises Kurai si uyepuru kon.

⁵ Iporo miri awonsi'ki itese' iwano' pe wak_u
nonkasa' eposa' man innennoko'san pe e'nito' pe,
ka'pon am_u' ne'nin pe e'nito' pe Esuwer_u am_u' pen
koro'tapai imaimu awiron pe to' e'to' pe apurito'
to' uya wini.

⁶ Miri awonsi'ki imiri'nokon ni niri si esi kamoro
Sises Kurai iwano' pe iki'masa' kon koro'tau.

⁷ Tanporon kon Ron pon kon enakan Papa
ni'n_ukan_u ton miri awonsi'ki iki'masa' kon wak_u
ton pe to' e'to' pe:

Wak_u nonkasa' miri awonsi'ki t_usewankamai'
p_ura iwe'to' kon Papa, uk_uip_un_u kon miri
awonsi'ki Itepuru Sises Kurai winon nesii
iyenakan kon pe.

Paar_u E'to' Ron Pona Itipai

⁸ Wapiya, Papa pi' tenki ta uya Sises Kurai
poro tanporo imiri'nokon pi', ap_une p_ura apurito'

* **1:4** ekamasa' r_u'p_u merunti ke Papa Mu pe; miri pe p_ura, ekamasa'
r_u'p_u t_umeruntir_u ke Papa Mu pe

auya'nokon usekare'tisa' tanporo non emu' kaisa ri.

⁹ Papa, iyapiyo' pe e'to' tanporo uyewan a'kiri Imu ekareei waku ekama uya yau, esi uyekamanin pe inke ri uyenu yau ikupu uya 'nokon

¹⁰ ipurema yau tiwiri ri; miri awonsi'ki ipurema si seri pe ri Papa eseru awiri ite'ma uta'kokasa' e'to' pe ipiya'nokon utito' pe.

¹¹ Iyenpai'nokon esi ipika'tito' kon pe uya iya'kwaru nuturunu eponin pe, pana' pe iku'nin kon pe—

¹² miri si, imiri'nokon miri awonsi'ki uri uya apurito' wini epori'mapi'nito' pe asa'ipi'.

¹³ I'tunin nan pe pura iwesi kon i'se pura esi, utonpa ton, ekonepitu'pu inke ri ipiya'nokon utito' pe (e'tane miri namai' uwa'ku'pi'sa' seri pona ri nin si) i'koro'tau'nokon iyaku'pasa' ananto' pe uya, taron kon Papa punon kon koro'tau eporo'pu uya kasa.

¹⁴ E'nonkasa' pe ri esi asa'ron kon ena' Kiri' amu' miri awonsi'ki Kiri' amu' pen ni ena', asa'ri ri emepoke' ton miri awonsi'ki emepo punon kon ena'.

¹⁵ Miri pe iyesi pi', waku itekare inekamapai kuru esi seri imiri'nokon Ron pon kon pi' ri mari.

¹⁶ Waku itekare pi' ipiyitu' pen ni, apune pura Papa meruntiru' pe iyesi tanporon kon apurinin nan epika'tito' ike pe; wapiya Esuweru iwano' pe, miri awonsi'ki Esuweru pen iwano' pe.

¹⁷ Apune pura waku itekare yau Papa uya anan ni ipokena' ri tukai' apurito' wini iyepiya'ti

si'kirí iu'matɔ pona,† iye'menukasa' na'ne' kasa:
 “Ipokena' awírí te'sen uko'mamɔ apurító' winí,”‡
 tawon.

Ka'pon Kota'mato' Papa Uya

18 Papa uya kota'man nító' usenpoikasa' Eɔun
 poi Papa pɔra e'nító' mirí awonsi'ki iri ka'pon amɔ'
 eseru pi' wakɔ i'tuto' pe pɔra iku'nin nan iri teseru
 kon winí,

19 Papa i'tuto' ipi' esi to' pona tense ri, apɔne pɔra
 tense ri Papa uya iku'sa' to' pona.

20 Apɔne pɔra non e'kaa'pɔ si'kirí Papa ewakiri
 tɔusensen pen—siyaro' ri imeruntírɔ mirí
 awonsi'ki Papa pe iye'to' i'naino ri—usensa' wakɔ
 pe ri, tɔto'ka'nɔ'se iyekonekasa' rɔ'pɔ winí, ka'pon
 amɔ' e'to' pe iye'wapu'tito' ipona pɔra.

21 Apɔne pɔra Papa i'tu tane to' uya, Papa pe to'
 uya apuripítɔ pɔra iyese, to' uya tenki ta pɔra ri
 iyese ipi', e'tane to' usenuminkato' esi iwotori'pi
 pɔra ri mirí awonsi'ki emepo pɔn to' ewan ewaru-
 mamɔ'pɔ.

22 Emepoke' pe to' e'ku'tane, epe' ri to' ena'pɔ,

23 mirípan kon uya Papa teri'sen pen ku'to' eke
 pe entakanoma'pɔ to' uya ipe iye'to' pe ika'sa' ke
 ka'pon teri'sen pe ri nin mirí awonsi'ki toron amɔ'
 pe mirí awonsi'ki o' amɔ' pe mirí awonsi'ki ene
 amɔ' ri.

24 Mirí pe iyese pi', Papa uya to' nonkasa' iri
 to' ewan e'to' i'se yau iri pe tekumato' kon yau
 tɔtonpa kon pokon pe tɔpun kon eno'mato' to' uya
 ya'.

† 1:17 iyepiya'ti si'kirí iu'matɔ pona; mirí pe pɔra, apurító' apai
 apurító' pona ‡ 1:17 Apa'ka' 2:4 1:21 E'pe'sas 4:17-18 1:23
 Isu'taronomi 4:16-18

25 I'nairon pe Papa e'to' entakanoma to' uya kasi pe e'nito' ke, miri awonsi'ki ika'sa' ton ni apuripitu to' uya miri awonsi'ki iyapiyo' pe ri to' esi ika'nin nu'pu ta pe para ri—tiwiri ri tapuripi'sen. Amen.

26 Miri pe iyesi pi', Papa uya to' nonkasa' piyi'nu'nin ni niki eseru ya'. To' uri'samo ton ni uya i'naino pe ri e'nito' entakanoma i'naino pen ni ke.

27 Miri kasa ri mari, warawoti'si amu' uya i'naino uri'san pokon pe e'nito' nonkasa', miripan kon a'mintasa' tnikiru kon yau tatonpa kon pi'. Warawoti'si amu' uya iri ri kuu'pu warawoti'si amu' pokon pe, miripan kon uya tekota'mato' kon eposa' tupun kon yau iye'to' awiri para te'sa' kon wenai.

28 Miyari ri, to' usenuminka kasa para ri Papa i'tunin pe e'nito' enkurunpanin pe, to' nonkasa' iya iye'to' awiri para to' usenuminkato' ya', tuku'sen pen ni ku'to' pe to' uya.

29 To' ri si epe'tisa' tanporon ni iri eseru ke, iri ke, mentai e'nito' ke miri awonsi'ki iteseru pe te'sen awiri para e'nito' ike ke. Iri pe taron kon pi' te'ku'san pe to' esi, te'wisan pe, isipi' te'san pe, enku'tinin nan pe miri awonsi'ki iri inku'pai te'san pe. Ka'pon eseru pi' tusauro'san pe,

30 iri pe ka'pon pi' tusauro'san pe, Papa ewaruma'tinin nan pe, sapemanin nan pe, i'tunin pe te'ku'san pe, miri awonsi'ki tautapurisan pe; iri kupu eseru sara'tinin nan pe; tusan kon maimu awiron kon pen pe;

31 iya'kwaru punon kon pe, apuri pokena' ton pen pe, tuisi'nankasan pen pe, isentu'manon kon pe, aiko tawon nan pen pe.

³² I'tui'ma ri Papa usauro'sa' esi ipoken kamoro seri rupi ku'nin nan esi uma'tan nito' eponin nan pe tawon, seri ton kuru kupu to' uya, miri awonsi'ki kamoro seri ku'nin nan pi' ri niri waku pe man ta to' uya.

2

Papa Uya Ipoken Eseru Aimenkato'

¹ Miri pe iyese pi', imiri, ka'pon, inu' ri eseru aimenkanin, iye'wapu'tito' ipona para iyese, i'ri poiri ri taron ni eseru aimenka auya, iiwano' pe ri nin iuseno'ma miri, apune para imiri eseru aimenkanin uya miri ton ni kupu.

² Seri si i'tu'nokon Papa uya eseru aimenkato' esi kamoro seri rupi ku'nin nan pi' esi i'nairon po.

³ Miri kasa si imiri, ka'pon ni nin, uya eseru aimenkato' kupu a'tai to' pi' miri ri kupu'ima, Papa uya eseru aimenkato' piyapai ayainumu tukai' pe' iye'kupu?

⁴ Miri pe para kati, eke pe ri isi'nanke' pe iye'to' iku'tane auya, iyenpi'to' iya, miri awonsi'ki tausea'kai' para iye'to' nurunpa auya, i'tui'ma para Papa e'to' isi'nanke' pe uya ayato' esi iyera'tito' ya'?

⁵ E'tane apune para sa'man pe ri tera'tisen pe para ri iyewan esi pi', kota'man nito' amuranaku auya iiwano' pe ri Papa uya kota'man nito' weyu a'taino pe, ipokena' eseru aimenkato' iya usen-poika a'tai.

⁶ Papa uya, "ituru ka'pon kaisa ri inkupu'pu pi' tense,"* tasa' iya.

2:1 Ma'siu 7:1; Uru' 6:37 * **2:6** Eren 62:12; Ipu'ketu 24:12

⁷ Kamoro ka'pon amu' sa'man annawiri waku kupu pi' te'san uya eke pe tuku'to' kon, tnamato' kon miri awonsi'ki eri'nito' pen warinpa ena' inke ri uko'man nito' taru iya.

⁸ E'tane kamoro tiwano' kon pe ri te'san miri awonsi'ki i'nairon ana'sipai para te'san miri awonsi'ki iri pikiri te'san pi', moro isakorotasa' pi' ekota'man nito' esi miri.

⁹ Moro ewankamanin miri awonsi'ki a'kwaru ainanpanin e'to' oton tanporon kon iri ku'nin nan ka'pon amu' pi': wapiya Esuweru amu' pi', miri tupo Esuweru amu' pen;

¹⁰ e'tane eke pe iku'to', inamato' miri awonsi'ki tusewankamai' para e'nito' esi tanporo waku ku'nin nan iwano' pe: wapiya Esuweru amu' pi', miri tupo Esuweru amu' pen pi',

¹¹ apune para Papa esi pi' tenu yawon kenan pe para ri.

¹² Tanporon kon, main, Mosi' winon piyapai imakoitasa' kon uma'tato' oton miri main piyapai ri mari, miri awonsi'ki tanporon kon imakoitasa' kon main o'noro eseru utaimenkato' oton main ke.

¹³ Apune para kamoro miri main etanin nan esi pen ipokena' pe Papa enu yau, e'tane kamoro main awiron kon anamu' Papa uya ipokena' ton tukai'.

¹⁴ (Kasi pe para, Esuweru amu' pen, main, Mosi' winon esanon pen, uya ikupu ti'naino kon ni main e'to' i'se, main pe ri tiwano' kon pe to' esi, main esanon pe para ri esii'ma,

¹⁵ to' uya enpoika si'kiri miri main e'to' i'se

e'menukasa' to' ewan pi', to' ewan uya ri niri ekama to' pi', miri awonsi'ki to' usenuminkato' uya ri ipoken para to' e'sa' ekama, miri awonsi'ki taron ni a'tai ipoken to' e'sa' ta iya ri.)

16 Seri e'ku'to' oton Papa uya ama'aino eseru aimenka weyu a'tai Sises Karai poro, waku uyekareei nekamayai'ne' kasa.

Esuweru Amu' Miri Awonsi'ki Main, Mosi' Winon

17 Imiri nin si, Esuweru pe te'sesa'sen; main, Mosi' winon enupikiri te'sen miri awonsi'ki Papa pokon pe iwe'to' pi' tautapurisen.

18 I'se iye'to' i'tunin pe iwesi yau, miri awonsi'ki ewai' tawon pe te'sen epoi te'sen pi' apune para main nenupa'pu pe iwesi pi'.

19 Pori' pe iwesi yau tenku'na' nan anin pe iwesi pi', ewarupi yau te'san weyu pe iwesi pi',

20 iya'kwaru punon enupanin pe iwesi kon pi', aiko ton nukwi mare amu' ti'saai pe iwesi pi', apune para main esi waku pe i'tuto' miri awonsi'ki i'nairon yen pe—

21 Imiri si, taron kon enupanin, iiwano' pe pe' iusenupa pen ni? Imiri ama' pe e'ni namai' itekare ekamanin, ama'manin pe' imiri?

22 Imiri iyemari'masa' kon ka'pon amu' kusekumanin tawon, tekumasan pe' imiri? Imiri papa tato' ipi' pe ika'sa' itewaruma, ipareman nito', use'man nito' iwu' ton pe' rapumanin imiri?

23 Imiri main pi' tautapurisen, main pe' ti'kwise Papa namanin pe para te'sen imiri?

24 Iye'menukasa' na'ne' kasa: “Papa ese' e'sapema Esuweru amu' pen koro'tau imiri'nokon uriya',”† tawon.

25 Itepe' e' pe un pi'pi puturakato' esi main awiri iwesi yau, e'tane main i'kwitu auya yau, itun pi'pi puturakasa' pen pe ri iyena.

26 Kamoro itun pi'pi iputurakasa' kon pen e'sa' main e'to' i'se awiri, itun pi'pi iputurakasa' kon pe pe' to' kupu pen?

27 Kuri ipun pe itun pi'pi iputurakasa' pen, miripan e'tane main awiron, uya iyeno'ma miri, imiri iye'menukasa' main tensen pe esa‡ miri awonsi'ki un pi'pi puturakato' esa', esi main i'kwi'nin pe.

28 Ka'pon esi pen miri Esuweru pe kuru kipo'po ri kuri ri pe iyese yau, miri awonsi'ki kipo'po ri, ipun pe ri un pi'pi puturakato' esi miri pen ni.

29 Kane, ka'pon esi miri Esuweru pe kuru tayau kuri ri pe tesi yau; miri awonsi'ki un pi'pi puturaka esi tepe' ke ri ewan wannu ma'kuu'iti kasa, iya'kwaru wini, iye'menukasa' main na'ne' awiron pen ni. Puse ri waraino ka'pon apuripi'to' esi miri ka'pon winipaino pen, e'tane Papa winipaino pe.

3

Papa Tuusauroku'pu Awiron

1 Fri eponin pe ken si e'ni Esuweru pe e'ni yau, miri pe pura i'ri epe' pe yun wannu pi'pi puturaka?

† 2:24 Aisaya 52:5; Isi'kiyeru 36:22 ‡ 2:27 iye'menukasa' main tensen pe esa'; miri pe pura, iye'menukasa' tensen pe main wini
2:29 Isu'taronomi 30:6

² Eke pe ri tanporon yau ri! Tanporon wapiya, Papa maimu kuru ri e'nonka'p_u miri to' ena'.

³ I'ri pe ken iyesi to' tonpa ton uya apurito' p_ura iyesi yau? To' uya apurito' p_ura iyesi uya Papa e'to' t_usauro'sa' awiri p_ura kup_u?

⁴ Pen kuru ri! Tiwi Papa nesii i'nai ri, miri awonsi'ki tanporon kon e'tane kasi ye' pe. Iye'menukasa' na'ne':

“Ipokena' pe iusi'tu pa amaimu yau

iyeseru aimenkato' yau itentai iyena pa,”*
tawon.

⁵ E'tane ipoken p_ura e'nito' uya Papa e'to' ipoken enpoika wak_u pe kuru, i'ri ken si ta? Papa esi wak_u pe p_ura ri uya kota'man nito' nep_u upona'nokon ta? (Ka'pon e'sei'pi'to' e' pe ri nin si e'kap_u.)

⁶ Miri kasa iyesi pen! Miri kasa iyesi yau, nai kasa Papa non eseru aimenkai'no?

⁷ Ka'pon ni entarum_u, “Kasi ye' pe esi uya Papa e'to' i'nairon pe koneka yau eke pe iku'to' temo'kai', i'rito' pe ken si tumakooikenan pe uyeno'ma?”

⁸ Tapai p_ura pe' nai—kasi ye' pe ri ina pi' us-auro'nisa' na'ne' kasa miri awonsi'ki t_uron kon uya ikup_u, ina uya—“Iri ku'pai'nokon wak_u pe itepe'p_u e'to' pe,” ta, ta p_ura? To' eno'mato' esi miri i'se to' e'to' pe ri.

Ina' Ipoken Te'sen P_un Ni

⁹ I'ri ken si? Ina ken pe' si Esuwer_u am_u' esi wak_u† ton pe? Pari pen ni! Ekamaka'sa'nokon ni miri, Esuwer_u am_u' miri awonsi'ki Esuwer_u am_u' pen esi miri isi'kaisa ri makoi o'no.

* **3:4** Eren 51:4 † **3:9** wak_u, miri pe p_ura i'ri

- 10 Iye'menukasa' na'ne' kasa:
 “Inu' ri p̄ra iyese ipokena' pe te'sen, tikin nan p̄ra
 ri;
 11 inu' ri p̄ra iyese ito'ka'nu'nin,
 inu' ri Papa warinpanin.
- 12 Tanporon kon ni era'tisa' isi'kaisa ri siya
 tanporo ri to' enasa' se pe ri;
 inu' ri p̄ra iyese wak̄u ku'nin,
 tikin nan p̄ra ri.”‡
- 13 “To' esen ton esi emenna' ton akasa' uruwai' ton
 pe;
 to' ani ton esi enku'tin nito' ku'nin pe.”§
 “T̄k̄u urarii ri esi to' e'pi pi'.”*
- 14 “To' m̄ta ton epe'tipi'sa' e'pa'nu'nito' miri
 awonsi'ki isipi' e'nito' ke.”†
- 15 “Aitune' pe ri to' p̄ta ton esi m̄n ennoko pi';
 16 to' uti'p̄u e'ma'p̄u tau uma'tan nisa' miri
 awonsi'ki usewankaman nito' e'nimi,
 17 miri awonsi'ki t̄usewankamai' p̄ra ka'pon
 uko'manto' ku'to' to' ni'tun̄u pen.”‡
- 18 “Papa pi' to' enari'n̄anto' p̄ra ri iyese to' enu
 yau,”§
 tawon.
- 19 Seri si i'tu'nokon, tanporo main uya tasa'
 na'ne', ta iya kamoro main o'no na'ne' nan pi', tan-
 poro m̄ta e't̄ut̄uikato' pe miri awonsi'ki tanporo
 non pon kon e'to' pe Papa pi' ekamanin pe.
- 20 Miri pe iyese pi', inu' ri an̄um̄u Papa uya p̄ra
 iyese ipokena' tukai' main kup̄u iya pi'; e'tane
 ru'ku, main poro makoi i'tunin pe enan.

‡ 3:12 Eren 14:1-3; Eren 53:1-3; E'kirisiyastes 7:20 § 3:13 Eren
 5:9 * 3:13 Eren 140:3 † 3:14 Eren 10:7 ‡ 3:17 Aisaya 59:8
 § 3:18 Eren 36:1 3:20 Eren 143:2; Kare'siya 2:16

Ipoken E'ni Apurito' Poro

²¹ E'tane nin si seri Papa uya ka'pon amu' ananto' ipokenan pe usi'tusa', main piyapai, main, Mosi' winon miri awonsi'ki Pu'kena' amu' neka-mayai'ne'.

²² Seri ipoken e'nito' usi'tusa' uyepu Sises Kurai apurito' poro tanporon kon apurinin nan piya'. Tuponaron para ri iyesei,

²³ apuane para tanporon kon ni umakoitasa' miri awonsi'ki to' u'ma'sa' mi airi ri eke pe Papa ku'to' tepose para,

²⁴ miripan kon ekonekasa' tause'mai' para waku nonkasa' iya wini e'man nito' poro iye'sa' Kurai Sises wini.

²⁵ Papa uya itusa' use'man nito' ike pe upi'nokon tausentu'mato' pe* imanu apurito' poro. Seri ku'sa' iya ipokena' pe tesi ekamanin pe, apuane para a'kure'tinin pe tesi ke makoi ton pena iye'ku'sa' ru'san nonka'pu iya tuponi'simai' para—

²⁶ ikuu'pu iya ipoken tesi seri a'tai tukai' enpoikanin pe, ipoken teseru esi enpoikanin pe miri awonsi'ki ka'pon amu' anannin pe ipokena' pikiron kon pe Sises apurito' wini.

²⁷ Nai ken si utapurin nito'? Miri para ri iyesei. I'ri iteseru pe? Main pe' awiri e'ni pi'? Kane, e'tane apurito' pi'.

²⁸ Apuane para ka'pon anamu Papa uya ipokena' pe ta'nokon apurito' wini main awiri e'ni wini para.

3:22 Kare'siya 2:16 * **3:25** use'man nito' ike pe upi'nokon tausentu'mato' pe; miri pe para, kari tukota'man nito' i'ni'panu'nin, makoi mo'kai'ma

29 Papa pe' esi Esuweru amu' riken e'to' itese' pi' pe? Esuweru amu' pen e'to' itese' pi' ri niri pen pe' kari? Ewai', Esuweru amu' pen ni niri,

30 tikin ni riken Papa esi pi', ka'pon itun pi'pi iputurakasa' ananton apurito' wini miri awonsi'ki itun pi'pi iputurakasa' pen miri ri mari apurito' poro.

31 Apurito' pi' ken pe' si usauro' ni uya main, Mosi' winon para iye'to' pe ikupu? Pari pen ni! E'tane ru'ku, main awiri e'ni'nokon.

4

Epura'an Ekoneka'pu Apurito' Wini

1 I'ri ken si eporo'pu utamokori kon Epura'an uya seri rupi pi' ta seri?

2 Epura'an anansa' pe iyesei yau ipokena' pe inkuu'pu wini, itapurito' ipi' esi miri—e'tane Papa rau pen.

3 I'ri ta imenukasa' itekare uya? “Epura'an uya Papa apuri'pu, miri pi' ipokena' pe iyesei,” ta'pu ipi'.*

4 Ka'pon e'turawasoma a'tai, itepe'pu esi miri irepato' ike tukai' iyesei pen ni e'tane iye'turawasomasa' ru'pu ipi' pe iyesei.

5 E'tane ri, kari ka'pon te'turawasomasen pen pona e'tane Papa apurinin iri ka'pon anannin ipokena' tukai', apurito' iya uya ikupu Papa uya ananto' pe ipokena' tukai'.

6 Tepi' uya miri ri mari ta isauroku a'tai ka'pon e'to' pi' pori' pe Papa uya anamu a'tai ipokena' pe iyesei tukai', inkupunu pikiri pen:

7 “Pori' pe kamo esi

3:30 Isu'taronomi 6:4; Kare'siya 3:20
Kare'siya 3:6; v. 22 niri

* 4:3 Iseneses 15:6;

iri to' nakuu'pɛ pi' usentu'man nisa' kon
miri awonsi'ki imakooi ton inipontisa' na'ne'
nan.

⁸ Pori' pe kari ka'pon esi
imakooi i'tuto' Itepuru uya pen ipi',”†
ta.

⁹ Seri pori' pe e'nito' pe' esi itun pi'pi
iputurakasa' kon iwano' pe riken, miri pe para itun
pi'pi iputurakasa' kon pen ni niri kati iwano' pe
iyesi? Epɛra'an anumu'pɛ ipokena' tukai' apurito'
iya pikiri ta pi' e'nisa'.

¹⁰ I'ri waraino ton o'noro seri e'kuu'pɛ? Itun pi'pi
puturaka'pɛ tɔpo pe' iyesi'pɛ, miri pe para irawiri
kati? Miri tɔpo pen e'tane miri rawiri!

¹¹ Miripan uya tɔyun pi'pi puturakato' eporo'pɛ
ento' ipi' pe, Papa uya anansa' ipokena' pe
enpoikanin pe apurito' iya wini, itun pi'pi
puturakasa' pe para ri mari iyesi koro'tau. Miri
pe iyesi pi', tanporon kon apurinin nan kairanu
pe iyesi e'tane itun pi'pi iputurakasa' kon pen,
anansa' kon tato' pe to' pi'.

¹² Miri awonsi'ki itun pi'pi iputurakasa' kon
kairanu pe ri mari iyesi, itun pi'pi iputurakasa' kon
pe riken to' esi pen e'tane tautisan ni mari apurito'
puta'pɛ awiri ukairanu kon Epɛra'an enau iye'sa'
ra'pɛ itun pi'pi puturaka rawiri.

¹³ Main poro Epɛra'an miri awonsi'ki imunki
amu' uya iku'to' pe uya tukai' usauro'nisa'
eporo'pɛ pen non ananto' iya, e'tane anan nito'
tɔuye'sen apurito' wini.

† **4:8** Eren 32:1-2 **4:11** Iseneses 17:10 **4:13** Iseneses 17:4-6;
22:17-18; Kare'siya 3:29

14 Apune para kamoro tuko'mansan main awiri riken esi yau anannin nan pe, apurito' esi miri itepe' pe para ri miri awonsi'ki iku'to' pe uya tukai' usauro'nisa' esi miri se pe ri,

15 apune para main uya kota'man nito' nepu. Miri awonsi'ki main para na'ne' airi main awiri para e'nito' para iyese.

16 Miri pe iyese pi', iku'to' pe uya tukai' usauro'nisa' uyepu apurito' wini, iye'ku'to' pe waku nonkasa' wini, miripan e'kupu miri a'tai tanporo Epura'an munki amu' pi'—kamoro riken main pi' te'san pen e'tane kamoro Epura'an uya apurito' pi' te'san ni mari. Tanporo ukupunu kon pe iyese.

17 Iye'menukasa' na'ne' kasa: “Ikonekasa' uya miri tu'kan kon tapataron kon kupunu pe,”‡ tawon. Epura'an esi ukupunu kon pe Papa enu yau, inapurinu—Papa uko'man nito' tannin iyeri'sa' ena' miri awonsi'ki iri ri esa'nin moro ipara ri iye'tane moro iyese kasa.

18 E'ku'nito' ipi' para kasa ri iye'tane, te'ku'to' yau ri Epura'an uya apuri'pu, miripan ena'pu tu'kan kon tapataron kon kupunu pe, ta'pu na'ne' tupi' kasa ri, “Miri kasa kuru apayan nu'san e'to' oton,”§ tawon.

19 Apurito' tauya yau ti'si'munka'nu'se para, i'tupu iya ri tupun eri'sa' pe ri—apune para 100 e'to' airi ri tauwipiyaai esi pi'—miri awonsi'ki Sera mare yen ni niri esi'pu iyeri'sa' pe.

20 E'tane ri Papa uya ikupu tauya tukai' tauro'ka'pu apuri'pu iya, apurito' iya

4:14 Kare'siya 3:18 4:16 Kare'siya 3:7 ‡ 4:17 Iseneses 17:5

§ 4:18 Iseneses 15:5 4:19 Iseneses 17:17

umeruntita'pɥ, miripan uya Papa apuripitu'pɥ,

²¹ ipan pe ti'tui' Papa esi merunti ri ikupɥ tɥuya tukai' tɥusauroku'pɥ ku'nin ye'.

²² Miri wenai, “Papa uya anɥmɥ'pɥ ipokenan tukai',” tasa' iya.

²³ Main, “iku'to' esi'pɥ miri,” tawon e'menuka'pɥ kɥri ri iwano' pe riken pen,

²⁴ e'tane uri'nokon ni niri iwano' pe, anɥnsa' pe ipoken e'nito' e'ku'to' oton na'ne'—uri'nokon apuripi' na'ne' nan uyepuru kon Sises i'mɥ'sa'kasa' iya pi' eri'nito' apai.

²⁵ Itɥɥ'pɥ eri'nito' ya' umakooi kon wenai, miripan i'mɥ'sa'ka'pɥ iko'manto' ya' wakɥ pe ekonekan nito' pe Papa enu yau.

5

Tɥusewankamai' Pɥra Miri Awonsi'ki Pori' Pe E'ni

¹ Miri pe iyese pi', apurito' poro Papa uya uyanɥnsa' kon ipokena' pe pi', usewankaman nito' pɥra iyese* Papa pokon pe e'ni pi' Sises Kɥrai, uyepuru kon poro,

² iporo epoto' eposa' apurito' wini seri eke nonkasa' iya' iyau e'mɥ'sa'kan nisa'nokon na'ne'. Miri awonsi'ki epori'ma'nokon† ipokon pe Papa ku'to' eke pe yau e'ni'nokon pi' e'ku'nito' yau.

³ Miri kasa riken pen, e'tane epori'ma'nokon ni niri ekota'ma'nokon yau, apɥne pɥra i'tu'nokon ekota'man nito' uya sa'man awiri iku'to' enpa'ka;

4:25 Aisaya 53:4-5 * 5:1 usewankaman nito' pɥra iyese; miri pe pɥra, tɥusewankamai' pɥra e'nito' esa' pe e'ni'pai'nokon † 5:2 epori'ma'nokon; miri pe pɥra, epori'manpai'nokon; v. 3 yau ri niri

4 sa'man awiri iku'to' uya, eseru wanni; miri awonsi'ki eseru wanni uya e'ku'nito' enpa'ka.

5 Miri awonsi'ki e'ku'nito' uya ika'ni' para ku'ni pen, apune para Papa uya tūsi'nankato' nonkasa' uyewan kon ya' Waku A'kwaru wini, itasa' iya na'ne' uyena'nokon.

6 Menyatū, iweyu a'tai kuru sa'ne, imeruntirū para ri mari e'ni'nokon a'tai, Kurai‡ eriku'pū Papa uya tasa' pen awiron kon iwano' pe.

7 Iteseru pen ni inū' ri eriku' para iyese ipokena' pe te'sen ka'pon iwano' pe, waku ka'pon iwano' pe inū' ri e'to' e'tane eri'pai itiwano' pe.

8 E'tane Papa uya ui'nankato' kon tūuya ya' ri enpoika waku pe seri yau: Tumakooikenan pe ri mari e'ni'nokon koro'tau, Kurai eriku'pū uiwano' kon pe.

9 Papa uya anūn nisa' ipokena' pe pi' imānū wini, miri entai ri epika'tin nito' oton kon iporo Papa uya kota'man nito'apai!

10 Apune para, Papa eyaton pe e'nisa'nokon yau, itonpa pe enan nisa'nokon Imu eri'to' poro, miri entai nin si, itonpa pe enan nisa' epika'tito' oton iko'manto' poro!

11 Seri riken ni esi pen miri kasa, e'tane epori'man ni mari Papa yau Sises Kurai, uyepuru kon poro, iporo Papa tonpa pe enan nisa' eposa'nokon na'ne'.

Uma'tan Nito' Atan Poro, Uko'man Nito' Kurai Poro

12 Miri pe iyese pi', makoi ewomū'pū non pona tikin nan ka'pon poro na'ne' kasa kuru,

‡ 5:6 Kurai; miri pe para, Me'saya; Papa Nanūmū'pū ta e'kwa pe; v. 8 yau niri.

miri awonsi'ki uma'tan nito' makoi poro, miri awonsi'ki seri na'ne' kasa uma'tan nito' uyee'pu tanporon kon ka'pon amu' pona. Seri ta uya, apune para tanporon kon umakoitasa' pi'.

¹³ Main, Mosi' winon e'turu rawiri, makoi esi'pu non po. E'tane makoi miri tato' para iyese main para na'ne' airi.

¹⁴ Miri nin si e'tane, uma'tan nito' e'sa' esa' wanni pe Atan si'kiri Mosi' pu'ku pona, kamoro ri main ti'kwise, Atan kasa imakoitasa' kon pen ni esa' pe, tuuye'ton ento' ipi' pe te'sen.

¹⁵ E'tane repa nito' ike esi iri ku'sa' Atan uya na'ne' warai pen ni. Apune para tu'kan kon eri'sa' pe iyese yau tikin nan ka'pon uya iri ku'sa' pi', miri entai Papa uya waku nonkasa' miri awonsi'ki repa nito' tikin nan ni ka'pon, Sises Karai uya waku nonkasa' wini iye'sa', tu'kan kon ni ka'pon amu' uya eposa' eke pe kuru ri!

¹⁶ Repa nito' ike, kanan, esi pen tikin nan ka'pon, Atan umakoitasa' moron nu'pu kasa: Eseru aimenkato' esi tikin nan makoi e'mapuka pi', miripan uya eno'man nito' nepu; e'tane repa nito' uya tu'kan ni iri ku'pi'sa' e'mapuka, miripan uya anan nito' ipokena' pe nepu.

¹⁷ Apune para tikin nan ka'pon uya iri ku'sa' wini, uma'tan nito' e'sa' esa' wanni pe yau kari ri tikin nan ka'pon poro, miri entai kuru kamoro eke pe ri waku Papa nunonka'pu eponin nan miri awonsi'ki anan nito' Papa uya ipokena' pe nuturunu esi esa' wanni pe uko'man nito' yau tikin nan ni ka'pon, Sises Karai poro.

18 Mìrì moron nù'pù pe, tìkin nan ka'pon nùkuu'pù ìrì moron nù'pù pe tanporon kon ka'pon amù' eno'mato' esi'pù kasa, mìrì kasa rì marì tìkin nan Papa maimu awìrì e'nìto' ku'sa' moron nù'pù esi'pù anùn nì Papa uya ipokena' pe uko'man nìto' ne'nin pe tanporon kon ka'pon amù' iwano' pe.

19 Apùne pùra tìkin nan nì ka'pon e'sa' pì' main awìrì pùra iporo tu'kan kon nì ena'pù tùmakooikena' nan pe, mìrì kasa rì marì tìkin nan nì ka'pon esi'pì' main awìron pe tu'kan kon nì anùmu Papa uya ipokena' ton pe.

20 Main e'tonpa'ti'pù ìrì e'kupù epanto' pe. E'tane makoi epansa' yau, wakù nonkasa' epansa' miyari rì,

21 makoi esi'pù na'ne' kasa esa' wannì pe uma'tan nìto' yau, mìrì kasa rì marì wakù nonkasa' e'to' pe esa' wannì pe Papa uya anùn nì ipokena' pe poro tìwìro' rì uko'man nìto' ne'nin pe Sises Kùrai, uyepuru kon poro.

6

Eri'nisa' Makoi Ya', Nurìne E'nì Kùrai Yau

1 F'ri ken si ta'nokon seri, mìrì a'tai? Umakoitan pì' rì e'nì'nokon, wakù nonkasa' epanto' pe?

2 Kane ku! Uko'man nìto' ìrì yau eri'sa'; nai kasa iyau rì marì uko'man nì pì' e'nì?

3 Mìrì pe pùra, i'tu auya'nokon pùra kati iyesi urì'nokon tanporo iyepa'taisimasa' kon Kùrai Sises ya' epa'taisima'pù ima'tato' ya'?

4 Iye'u'na'tisa' pe rì e'nì'pù'nokon; mìrì pe iyesi pì', ipokon pe epa'taisiman nìto' poro uma'tan nìto' ya', Kùrai e'mù'sa'ka'pù terikù'pù apai kasa

kuru eke pe Ikuipunu ku'to' poro, uri'nokon ni niri uko'manto' pe iyesi emenna' uko'man nito' yau.

⁵ Ima'tato' yau ipokon pe uta'si'nisa' yau, ipokon pe kuru ri mari uta'si'ni'nokon miri iye'mu'sa'kato' yau.

⁶ Apune para i'tu'nokon pena e'nito' eseru pokapitu'pu kurusu' pona ipokon pe makoi pun enato' pe i'si'mura,* makoi poitoru ton pe para e'nito' kon pe—

⁷ apune para iyeri'sa' pe na'ne' emo'kasa' makoi apai.

⁸ Eri'nisa' pe iyesi yau Kurai pokon pe, apuri'nokon ipokon pe ri mari uko'man ni'nokon tukai'.

⁹ Apune para i'tu'nokon pi' Kurai e'mu'sa'kasa' pi' eri'nisa' apai, iyeri'kapu pen kanan; itentai uma'tan nito' esi pen.

¹⁰ Uma'tan nito' iyeriku'pu na'ne' yau, iyeriku'pu makoi ya' tikin ite'kwa tunakonaton pe para ri; e'tane si iko'manto' nako'manu'ai'ne', iko'mamu Papa iwano' pe i'se iye'to' awiri.

¹¹ Miri kasa si, isi'tuti' iri yau iuko'manto' kon eri'sa' pe e'tane nurine Papa iwano' pe Kurai Sises yau.

¹² Miri pe iyesi pi', makoi kuse'nin tumatasten ipun kon esa' pe iri i'se iye'to' awiri iwesi kon pa.

¹³ Ipun kon pu'ku ri ku'tutu makoi ena', iri ku'to' ike pe, e'tane e'tuti' ru'ku Papa ena', kamoro uma'tan nito' apai uko'man nito' ya' iyera'tisa' kon pe; miri awonsi'ki ipun kon pu'ku ituti' itena' ipoken e'nito' ku'to' ike pe.

6:4 Koro'se 2:12 * **6:6** i'si'mura; miri pe para, eno'mato' kon pe

14 Apune p̄ra makoi e'to' pe p̄ra iyesi iyepuru kon pe, apune p̄ra main o'no iwesi kon pen, e'tane wak̄a nonkasa' o'no.

Ipoken E'nito' Poitor̄a Pe E'ni

15 Miri a'tai si, i'ri ken? Umakoita'nokon ken pe' si apune p̄ra main o'no p̄ra e'ni pi' e'tane eke wak̄a nonkasa' o'no e'ni pi'? Kane ku!

16 I'tu auya'nokon p̄ra pe' iyesi iye't̄sa' kon a'tai ka'pon ena' imaimu awiri iwesi kon pa ipoitor̄a ton pe, imaimu awiri iwe'to' kon poitor̄a pe iwesi kon? Makoi poitor̄a pe iwesi kon yau, uma'tan nito' ya' anin, miri pe p̄ra main awiri e'nito' ya', ipoken uko'man nito' ya' anin.

17 E'tane tenki tapai'nokon Papa pi', makoi poitor̄a pe ri iwe'pi'sa' kon e'tane, tanporo iyewan kon pokon pe iyenupato' kon awiri iwe'sa' kon iye't̄sa' kon na'ne' ya'.

18 Makoi apai iyemo'kasa' kon; ipoken e'nito' Papa enu yau poitor̄a pe iyenasa' kon.

19 Ka'pon pe e'nito' yau ekama uya apune p̄ra i'si'm̄ra a'naino kon iyaseru kon yau iwesi kon pi'. I'pun kon p̄'ku t̄pitu'p̄a auya'nokon kasa kuru iri poitor̄a pe, eke pe ri tepansen iri ena', miri kasa si it̄ti' ipoken Papa enu yau poitor̄a pe e'nito' ya', wak̄a pe iwesi kon pa.

20 Makoi poitor̄a pe iwesi kon a'tai, ipoken te'sen Papa enu yau ku'to' auya'nokon p̄ra ri iyesi'p̄a.

21 I'ri ken si wak̄a mepota't̄ui miri a'tai seri pe ipi' si mipiyi'at̄ui'ne' apai? Miri ton moron n̄'p̄a esi uma'tan nito'!

22 E'tane nin si, iyemo'kasa' kon pi' makoi apai miri awonsi'ki Papa poitor̄a pe nin si iyenasa'

kon, wak_u si ineporon_u kon esi ayanin kon wak_u pe e'nito' ya', miripan moron n_u'p_u esi inke ri uko'man nito'.

²³ Ap_une p_ura makoi epe'p_u esi uma'tan nito', e'tane Papa e'repato' ike esi inke uko'man nito' K_urai Sises, uyepuru kon poro.†

7

Ento' Ipi' Emari'man Nito' Apai

¹ I'tu auya'nokon p_ura pe' nai, utonpa ton—ka'pon am_u' main, Mosi' winon i'tunin nan auro'ka uya seri—merunti pe ka'pon pi' main esi iko'mam_u p_u'k_u pona riken?

² Ento' ipi' pe, iyemari'masa' uri'san utauronsa' miri t_utaan'p_u pona nurine iyese koro'tau, e'tane itaan'p_u eri'sa' yau, iyemo'kasa' nin si miri emari'man nito' ku'nin main apai.

³ Miri a'tai nin si, t_uron ni warawo' ya' iye-mari'masa' yau nurine ri t_utaan'p_u esi koro'tau, tekumasen temari'masa' e'tane ta miri ipi'. E'tane itaan'p_u eri'sa' pe iyese yau, iyemo'kasa' miri main apai, miripan esi tekumasen temari'masa' e'tane tato' ipi' pe p_ura, t_uron ni warawo' mari'ma tane iya ri.

⁴ Miri kasa si, utonpa ton, imiri'nokon ni niri main yau iuko'manto' kon apai iyeri'sa' kon K_urai pun poro, t_uron ni iwano' pe iwesi kon pa, k_uri iye'm_u'sa'kasa' r_u'p_u terik_u'p_u apai, Papa iwano' pe epetan nito' pe.

⁵ Ap_une p_ura u'naino kon umakooi kon* esi a'tai uyesa' kon pe, iri inku'pai e'nito' upakasa' main

† 6:23 poro, miri pe p_ura yau ipun; v. 25 yau ri niri

* 7:5 umakooi kon; miri pe p_ura,

wini esi'pɸ e'tarawasoman pi' upun kon yau, miri si epetan ni'pɸ uma'tan nito' iwano' pe.

⁶ E'tane seri pe nin si, uyauron nin nɸ'pɸ kon ya' eri'ni wini, emo'kan nisa' main apai emenna' Iya'kwarɸ eseru yau iyapiyo' pe e'nito' kon pe, miri awonsi'ki penaro' iye'menukasa' main awiron pen ni.

Makoi Ya' E'suran Man

⁷ F'ri ken si ta'nokon seri, miri a'tai? Makoi pe pe' main esi? Ta pen ni! I'nai ri, makoi miri tukai' si'tui'no pen ni, e'tane main poro nin i'tusa' uya. Apɸne pɸra si'tui'no pen ni tonpa iwano' i'se e'nito' ipan pe, main uya, "Itɸn pa iwano' i'se kesii ipan pe,"† tasa' pɸra iyesi yau.

⁸ E'tane makoi, iku'to' uya iwinini ta'sii' apiyontin nito' wini, uya uyau tanporon ni i'se ipan pe esi ku'sa'. Apɸne pɸra main pɸra iyesi a'tai, makoi esi iyeri'sa' pe.

⁹ Pena nurine iye'sa' rɸ'pɸ uri main pɸra iyesi a'tai; e'tane apiyontin nito' uye'sa' a'tai, makoi usenpoika'pɸ,

¹⁰ miri awonsi'ki eriku'pɸ si. I'tu'pɸ uya miri ri si miri main uko'man nito' ne'nin pe iku'sa' uya ri uma'tan nito' kuru ri nee'pɸ.

¹¹ Makoi uya apiyontin nito' apurisa' miripan uya uyenku'tisa' uya uwisa' miri main poro.

¹² Miri pi', main esi wakɸ pe, miri awonsi'ki apiyontin nito' esi wakɸ pe, ipokena' pe, miri awonsi'ki wakɸ pe.

¹³ Miri ken pe' si wakɸ pe te'sen ena'pɸ miri upona uma'tan nito' pe? Kane ku! E'tane makoi

† 7:7 E'sotas 20:17; Isu'taronomi 5:21 7:11 Iseneses 3:13

e'to'ka'nũ'to' pe makoi pe, uma'tan nĩto' ku'sa' iya uyau wakũ pe te'sen poro ri, main uya apiyontĩn nĩto' poro makoi enato' pe ti'tusen pe iri pe kuru ri.

14 I'tu'nokon main esi Papa A'kwarũ winon pe; e'tane uri esi Iya'kwarũ pikiron pe pũra, ikũrũpo'pomasa' pe makoi poitorũ pe.

15 Unkupũnũ i'tu uya pũra ri iyese, apũne pũra inku'pai e'to' kupũ uya pũra iyese, e'tane uye-waruma kupũ uya.

16 Miri awonsi'ki, inku'pai pũra e'to' kupũ uya yau, wakũ pe main esi ta uya ri.

17 Iyese na'ne' kasa, uri pe iyese pen nũku'ai'ne', e'tane makoi uyau nũko'manyai'ne'.

18 I'tu uya wakũ uko'mamũ pũra iyese uyau, miri na'ne' u'naino ipan makoi yau. † Apũne pũra wakũ pe na'ne' inku'pai esi, e'tane ari uya pũra iyese.

19 Apũne pũra siku'ai'ne' esi wakũ inku'pai e'to' pe pũra; iri, inku'pai pũra e'to' kupũ uya—seri kupũ pi' ri uko'mamũ.

20 Seri si inku'pai e'to' pen kupũ uya yau, uri uya ikupũ pen, e'tane makoi uyau nũko'manyai'ne' uya ikupũ.

21 Miri kasa si, seri main e'tũrawasoma pe i'tusa' uya: Wakũ inku'pai esi a'tai, iri esi miri moro upiyau.

22 Uyau Papa iwano' main pi' tepori'masen uri;

23 e'tane tũron ni main e'tũrawasoma ene uya upun pũ'kũ ton yau, usenuminkato' iwano' main pokon pe usewa'noma kupũ iya, miripan

7:15 Kare'siya 5:17 † 7:18 makoi yau; miri pe pũra, upun yau

uya ukoneka main iwano' makoi na'si'p_u pe, te't_urawasomasen upun p_u'k_u ton yau.

²⁴ Pokoi ri sa'ne uri! In_u' uya upika'ti seri uma'tan nito' meruntir_u apai uyau e't_urawasoman pi' na'ne'?

²⁵ Tenki ta Papa pi'—Sises K_urai, uyepuru kon poro!

Miri pi' si, uri ri usenuminkato' yau esi Papa iwano' main poitor_u pe, e'tane u'naino makoi yau makoi iwano' main poitor_u pe esi.

8

Uko'man Nito' Iya'kwar_u Poro

¹ Miri pe iyese pi', kamoro K_urai Sises yau na'ne' nan eno'mato' p_ura iyese seri pe,*

² ap_une p_ura K_urai Sises poro uko'man nito' A'kwar_u iwano' main uya umo'kasa'† makoi miri awonsi'ki uma'tan nito' iwano' main apai.

³ Ap_une p_ura main, Mosi' winon esi'p_u na'ne' i'si'm_ura ikup_u iya p_ura, i'naino makoi‡ uya a'tu'm_unka'n_u'sa' ke, Papa uya ikuu'p_u tiwano' t_umu tenno'se t_umakooikenan ka'pon kasa makoi mo'kanin pe t_ut_usen pe.§ Miripan uya makoi eno'ma'p_u t_umakooikenan ka'pon yau,*

⁴ ipokena' pe e'ni i'se main e'to' e'seposa' e'to' pe eke pe uyau'nokon, u'naino kon umakooi

* **8:1** T_uron ni ton emen imenukasa' ton uya iponantipi'sa', t_uuko'mansan i'naino makoi awiri p_ura e'tane a'kwar_u awiri, † **8:2** umo'kasa'; t_uron ni imenukasa' ton yau, †mo'kasa' kon; t_uron ni ri mari yau, umo'kasa' kon ‡ **8:3** i'naino makoi; miri pe p_ura, ipun; v. 4-5, 8-9, 12 yau ri niri § **8:3** makoi mo'kanin pe t_ut_usen pe; miri pe p_ura, makoi iwano' pe * **8:3** t_umakooikenan ka'pon yau; miri pe p_ura, ipun yau

kon pikiri tũuko'mansan pe pen e'tane uri'nokon Iya'kwarũ pikiri tũuko'mansan.

⁵ Kamoro tũuko'mansan ti'naino kon tũmakooi kon awiri uya tũusenuminkato' kon tũsa' miri ti'naino kon e'to' i'se pona; e'tane kamoro tũuko'mansan Iya'kwarũ awiri uya tũusenuminkato' kon tũsa' miri Iya'kwarũ e'to' i'se pona.

⁶ Tũmakooikenan ka'pon usenuminkato'† esi uma'tan nito', e'tane Iya'kwarũ e'to' itesa' pe te'sen usenuminkato' esi uko'man nito' pe miri awonsi'ki usewankaman nito' pen;

⁷ apũne pũra tũmakooikenan usenuminkan nito'‡ esi isi pe Papa pi'. Papa iwano' main ya' iye'tarũ pũra iyesi, miri kupũ iya poken pũra ri niri iyesi.

⁸ Kamoro to' i'naino makoi e'to' itesanon pe uya Papa pori'ma poken pũra ri iyesi.

⁹ E'tane ri, imiri'nokon a'naino kon amakooi kon esi pen iyesa' kon pe, e'tane Iya'kwarũ, Papa A'kwarũ uko'mamũ yau ayau'nokon. Miri awonsi'ki inũ' ri esi yau Kũrai A'kwarũ esa' pe pũra, Kũrai iwano' pe pũra ri iyesi.

¹⁰ E'tane ayau'nokon Kũrai esi yau, ipun kon esi iyeri'sa' pe apũne pũra makoi esi pi', e'tane aya'kwarũ kon esi nurine apũne pũra Papa uya ayanũmũ kon pi' ipokena' ton pe.

¹¹ Miri awonsi'ki Sises i'mũ'sa'kanin nũ'pũ iyerikũ'pũ apai A'kwarũ uko'mamũ yau ayau'nokon, kũri ri Kũrai i'mũ'sa'kanin nũ'pũ

† **8:6** *Tũmakooikenan ka'pon usenuminkato'*; miri pe pũra, *Usenuminkan nito' e'tũsa' pun pi'* ‡ **8:7** *tũmakooikenan usenuminkan nito'*; miri pe pũra, *usenuminkan nito' e'tũsa' pun pi'*

iyeriku'pu apai uya ri mari tuma'tasen ipun kon repa miri iko'manto' ke Ta'kwaru poro, ayau'nokon nako'manyai'ne'.

¹² Miri pe iyese pi', utonpa ton, unku'pu kon kuru esi—e'tane u'naino kon umakooi kon pi' pen, tuko'mansan pe iteseru awiri pen.

¹³ Apune para iko'mamu kon pe iyese yau a'naino kon amakooi kon awiri, iyeriku kon; e'tane Iya'kwaru wini ipun nukupu'pu ipoken para tusa' auya a'tai ima'tato' ya', iko'mamu kon ni,

¹⁴ apune para kamoro, Papa A'kwaru narinu ton esi Papa munki pe pi'.

¹⁵ Apune para iya'kwaru eposa' auya'nokon para iyese enari'ke' pe e'ni poitoru pe kanan iwesi kon pa pen, e'tane Iya'kwaru eposa' auya'nokon imunki pe ikonekanin kon, § miripan wini, “Apa,* Papai,” ta'nokon.

¹⁶ Iya'kwaru uya ekama tiwano' pe uya'kwaru kon pokon pe, uri'nokon esi Papa munki pe tukai'.

¹⁷ Seri si munki pe e'ni'nokon yau, intaranu anannin pe e'ni—Papa nutaranu anannin pe miri awonsi'ki Kurai nanumunu intaranu anannin pe iya'kiri, i'nai ri iyekota'mato' yau e'nisa' yau, eke pe iku'to' yau ri mari e'nito' pe.

Seri Enta' Eke Pe E'nito'

¹⁸ Usenuminka seri pe ekota'man na'ne' esi uri'nokon yau tausempoika ton Papa uya ikupu wini eke pe iku'to' kaisa ri i'nanke' pe iyese pen ni.

8:11 1 Koren 3:16 § **8:15** *imunki pe ikonekanin kon; miri pe para, tumunki pe imo'kanin kon* * **8:15** *Apa; Arami' maimu, Papai ta e'kwa pe.* **8:15** Ma' 14:36; Kare'siya 4:6 **8:17** Kare'siya 4:5-7

19 Ika'sa' kon enuriku tenu ke esii'ma Papa munki amu' usenpoika enupikiri.

20 Tanporo ika'sa' ton ko'manuku'pu itiwano' pe ika'sa' epoto' iya piyapai, iko'manpai iyesi pi' pen. Seri e'kuu'pu iye'moronkato' pe ku'nin nu'pu poro, te'ku'se

21 ika'sa' kon ni emo'kato' pe ma'tanu'nin meruntiru'apai, iyemo'kasa' kon Papa munki pe eke pe te'ton kon pe.

22 I'tu'nokon tanporo ika'sa' kon a'numu' mure entunuku'pi' e'ni kasa seri pu'ku'pona ri.

23 Miri kasa riken pen, e'tane uri'nokon ni niri, iyepiya'ti pe te'sen Waku Akwaru eponin nu'san ni a'numu' u'nau'nokon enuriku tenu ke esii'ma uyananto' kon pi' imunki pe, upun kon e'mato'.

24 Apune para seri e'ku'nito' yau epika'tin nisa'. E'tane e'ku'nito' tensen pe na'ne' esi e'ku'nito' pe para kuru ri. Inu' ken te'ku'sen tenawon pi' ri?

25 E'tane e'ku'ni pe iyesi yau uyenu'nokon para na'ne' pi', itenupikiri e'ni miri tu'useta'kai' para.

26 Miri kasa ri, Iya'kwaru uya upika'ti kon i'si'mura e'nito' yau. Ipureman nito' i'tu'nokon para iyesi, e'tane Iya'kwaru ri ipurema upona'nokon ta'nanse main uya ekama poken para ri.

27 Miri awonsi'ki kuru uyewan kon warinpanin uya Iya'kwaru usenuminkato' i'tu, apune para Iya'kwaru ipurema waku ton Papa nukupu'san pona Papa e'to' i'se awiri.

Entakanin Nan Entai Ri

28 Miri awonsi'ki i'tu'nokon tanporon yau ri Papa e'turawasoma wak_u pe ti'n_unk_unanin ku'nin pe, † iki'masa' kon mirito' pe ta'p_u t_uuya awiri.‡

29 Kamoro iwano' pe Papa uya wapiya i'tu'p_u pena kanan to' koneka'p_u iya T_umu kasa to' e'to' pe iwaraino kon pe, eke kuru iye'ka'sa' kon entaino pe wapiyaro' t_umu pe tu'kan kon tonpa ton koro'tau.

30 Kamoro si pena t_unkoneka'san, to' ki'masa' iya ri mari; kamoro t_unk_uma'san, an_um_u iya ipokena' pe; kamoro t_unan_um_u'san ipokena' pe, kup_u iya eke pe ri mari.

31 I'ri ken si ta seri ei'nin pe? Papa esi pe iyesi yau uwenai'nokon pe, in_u' ken si esi uyewa'nomanin kon pe?

32 K_uri ri T_umu teme'nin n_u'p_u pen, e'tane inonkanin n_u'p_u tanporon kon uri'nokon iwano' pe—nai kasa ken uri'nokon repa iya p_ura nesii'no ipokon pe wak_u pe ri tanporon ke ri?

33 In_u' uya niri ken Papa nan_um_u'san pi' iri ton ta? Papa k_uri ri an_unnin ipokena' pe.

34 In_u' k_uri eno'manin? K_urai Sises, iyeri'sa' r_u'p_u—miri entai, iye'm_u'sa'kasa' r_u'p_u uko'man nito' ya'—esi na'ne' Papa emiyat_u enwo'net_u wini, uri'nokon pona ri niri ip_ureman pi' te'sen.

35 In_u' uya pantakan K_urai uya ui'n_unkato' kon apai? I'ri uya kati, usewankaman nito' uya,

† 8:28 T_uron ni imenukasa' ton yau, i'tu'nokon tanporon ni e'turawasoma a'sam_ut_u yau wak_u ku'nin pe kamoro Papa i'n_unk_unanin nan pi' ‡ 8:28 e'turawasoma wak_u pe ti'n_unk_unanin ku'nin pe, iki'masa' kon mirito' pe ta'p_u t_uuya awiri; miri pe p_ura, e'turawasoma a'sam_ut_u yau kamoro i'n_unk_unanin nan pokon pe wak_u pe te'sen ne'nin pe—kamoro iki'masa' kon pokon pe mirito' pe ta'p_u iya awiri.

sa'man yau e'nito' uya, miri pe p̄ra iwenai p̄ra kota'man nito' uya miri pe p̄ra iwankan uya, miri pe p̄ra ipon p̄ra e'nito' uya, miri pe p̄ra isi yau e'nito' uya, miri pe p̄ra supara uya kati?

³⁶ Iye'menukasa' na'ne' kasa:

“Imiri'nokon epika'tito' pe uma'tan nito' yau ina esi pata tuko'manu'se; karimeru amu' iwito' kon pe iku'sa' kon kasa ri ina esi,”§

tawon.

³⁷ Kane, tanporo seri ton yau'ne e'ni'nokon entakanin nan entai kuru ri, kuri ui'nankanin kon poro.

³⁸ Ap̄ne p̄ra apurisa' uya uma'tan nito' miri pe p̄ra uko'man nito', inseru amu' ri miri pe p̄ra makoi amu' ri,* seri pe na'ne' miri pe p̄ra seri enta' na'ne', miri pe p̄ra i'ri ri merunti ri,

³⁹ ka'tawon ni miri pe p̄ra i'nawon ni, miri pe p̄ra i'ri ri tanporo ika'sa' yawon, uya pantakan p̄ra ri iyese Papa uya i'nankan nito' apai K̄rai Sises, uyepuru kon yau na'ne'.

9

Eke Pe Kuru Tesi Pi' Papa Uya Anan Nito'

¹ Inairon pe usauroku K̄rai yau—kasi pe esi pen, uya'kwaru uya apitanuku Waku A'kwaru yau—

² eke pe kuru ipan pe upokoitato' man miri awonsi'ki iyereuta p̄ra uyewan yau upokoitato' esi.

§ 8:36 Eren 44:22 * 8:38 makoi amu' ri; miri pe p̄ra, ka' epuru ton

³ Ipa'nũ'sa' pe miri awonsi'ki imo'kasa' pe Kũrai piyapai esi i'se e'ai', utonpa ton pika'tinin pe, kamoro kuru tũponaron kon upokon pe,

⁴ ka'pon amũ' Esuwerũ pon kon. To' iwano' pe munki wannĩ pe to' anũnsa' esi; to' iwano' pe ri Papa a'kwarii esi, to' iwano' pe ri ekonekan nito' esi, to' iwano' pe ri main eporo esi, to' iwano' pe ipareman nito', use'man nito' iwũ' tau Papa apuripi'to' esi miri awonsi'ki ikupũ uya tasa' rũ'san esi, to' iwano' pe.

⁵ To' iwano' pe rũko' amũ' tipiya ton esi, miri awonsi'ki Kũrai ka'pon pe te'to' wini u'tisa' to' apai, Papa, tanporon ni epoino, tiwiri ri apuripitũ nesii!* Amen.

⁶ Papa Maimu ipareme'sa' kasa iyese pen. Apũne pũra tanporon kon Esuwerũ apai iu'tisa' kon esi pen Esuwerũ pe.

⁷ Ipayan nũ'san pe ri to' esi pi' tanporo Epũra'an munki pe to' esi pen. E'tane miri kasa pũra kuru ri; "Aisi' poro imunki amũ' e'seporo miri,"† tasa'.

⁸ Tũron ni pe tato' yau, ka'pon i'naino kon‡ esi pen Papa munki pe, e'tane ikupũ uya tukai' us-auro'nisa' munki ton esi Epũra'an munki pe.

⁹ Apũne pũra se kasa ikupũ uya tawon usekama'pũ: "Iweyu pe iku'sa' rũ'pũ a'tai§

9:4 E'sotas 4:22 * **9:5** Kũrai ka'pon pe te'to' wini u'tisa' to' apai, Papa, tanporon ni epoino, tiwiri ri apuripitũ nesii! miri pe pũra, Kũrai, tanporon ni entaino. Papa apuripitũ nesii tiwiri ri! miri pe pũra, Kũrai, Papa tanporon entaino ri apuripitũ nesii tiwiri ri!
 † **9:7** Iseneses 21:12 ‡ **9:8** ka'pon i'naino kon—Epũra'an payan Esimerũ, Ekarũ mũre poron kon pi', ta seri uya. (Apũne Kare'siya Pon kon 4:22-23 enki.) § **9:9** Iweyu pe iku'sa' rũ'pũ a'tai; miri pe pũra, Seri a'tai ne'sepoyai'ne' wũpiya yau

enna'po, miri a'tai Sera e'to' oton tamare ke,"*
tukai'.

¹⁰ Miri riken pe para, e'tane Rupe'ka munki amu'
esi'pu tikin ni ikupunu miri awonsi'ki kari ri ri to'
kupunu pe uri'nokon tamokorii, Aisi'.

¹¹ Miri ri e'tane, munui' amu' entu rawiri miri
pe para i'ri ri waku miri pe para iri kupu to' uya
rawiri—moro Papa uya ananto' mirito' pe tukai'
e'to' esi'pu:

¹² tarawaso wini pen e'tane kari iki'manin wini
—ta'pu ipi', "Iri e'to' oton takon apiyo' pe,"† ta'pu.

¹³ Iye'menukasa' na'ne' kasa: "Seko' i'nunkasa'
uya, e'tane I'sa ewaruma'tisa' uya,"‡ tukai'.

¹⁴ I'ri ken si ta miri a'tai? Iri pe pe' Papa esi ta?
Pen kuru ri!

¹⁵ Apune para Mosi' pi' ta iya,
"Isentu'mapai ri e'to' ipi' pi' usentu'ma,
aiko kapai ri e'to' ipi' pi' aiko ta uya,"§
tasa' iya.

¹⁶ Miri pi' si ka'pon e'to' i'se pi' miri pe para
inkuu'pu pi' iyesi pen, e'tane Papa usentu'mato' pi'
iyesi.

¹⁷ Apune para iye'menukasa' itekare uya ta, Peero
pi': "I'mu'sa'kasa' uya serito' pe, umeruntiru
enpoikato' pe uya ayau miri awonsi'ki uyese'
usekamato' pe tanporo non yau,"* ta iya.

¹⁸ Miri pe iyesi pi', Papa esi t'usentu'masen
isentu'mapai te'to' ipi' pi' ri, miri awonsi'ki
ansa'mantanu'pai te'to' ri sa'mantanu'ka iya.

* **9:9** Iseneses 18:10, 14 † **9:12** Iseneses 25:23 ‡ **9:13** Mara'kai
1:2-3 § **9:15** E'sotas 33:19 * **9:17** E'sotas 9:16 (LXX)

19 Itonpa kon uya ta upi': "I'ri pe ken si iyese pi' Papa uya upona'nokon eno'ma? Inu' uya iteseru wa'kutü?" ta.

20 Aiko si, ka'pon. Inu' imiri Papa Maimu ei'pitu pa? "Inkaa'pu uya pe' ta miri tuka'nin nu'pu pi', 'I'rito' pe uka'sa' auya se kasa?" † ta?

21 Iini ka'nin pe' e'to' pe para tumeruntiru yau iyese miri ri ini pun ke eke pata weyu a'tai tapurisen miri awonsi'ki taweyu ke para ri tapurisen ka'nin pe?

22 I'ri pe iyese Papa uya anansa' pe iyese yau kota'man nito' enpoikato' pe tuya miri awonsi'ki tumeruntiru usi'tuto' pe, uya imoronka tusetakai' para kota'man nito' ton ipi'— iyekonekasa' kon tuma'tato' kon pe?

23 I'ri pe iyese seri ku'sa' iya yau eke pe tuku'to' ipi' usi'tuto' pe tuserentu'mato' ton ipi', inkoneka'san pena eke pe to' e'to' pe—

24 uri'nokon ni, inki'ma'san ni mari, Esuweru amü'apai riken pen, e'tane Esuweru amü' pen piyapai ri mari?

25 Oseya yau ta pi' na'ne' kasa:

“Umunki,' ta uya to' pi' umunki amü' pen ni pi';
miri awonsi'ki 'Ui'nun,' ta uya ipi' ui'nun pen
ni pi',” ‡

ta,

26 miri awonsi'ki,

“Iye'ku'to' oton to' pi',

'Umunki amü' pen ni imiri'nokon,' ta'pu yau
kuru ri,

† 9:20 Aisaya 29:16; 45:9 ‡ 9:25 Oseya 2:23

'Papa, tũuko'mansen munki amũ,' tato' oton to'
pi',"§
tasa' iya.

²⁷ Aisaya uya Esuwerũ ekare'ti uki'pi'nũmũ:
"Esuwerũ amũ' tu'kanoro e'tane ri parau e'pi pon
wi'si' kasa ri,
tu'ke pũra to' tonpa'san epika'tito' oton.

²⁸ Apũne pũra Itepuru uya
iyekota'mato' ya' non tũru inke pũra miri
awonsi'ki i'ri kupũ poken pũra,"*

ta.
²⁹ Aisaya uya wapiya ekamasa' na'ne' kasa:
"Itepuru merunti pe kuru te'sen ye' uya riķen
upayan kon pũra unonkasa' kon yau,
Satan kasa ena'nokon nesii'no,
miri awonsi'ki Komora kasa e'ni'nokon ne-
sii'no,"†
tukai'.

Esuwerũ Amũ' Apurinin Nan Pen

³⁰ I'ri ken si ta miri a'tai? Esuwerũ amũ' pen,
ipoken e'nito' ku'nin nũ'san pen, uya si eposa',
tanũnto' kon ipokena' pe apurito' wini teposen;

³¹ e'tane Esuwerũ amũ', main ipoken e'nito'
ku'nin nũ'san, uya eposa' pũra iyesi.

³² I'ri pe iyesi pi'? Apũne pũra to' uya ikuu'pũ
apurito' iyawiri pũra, tũrawaso wini iyesi tato' pe
ri. To' e'pi'po'pũ "e'pi'pon nito' ti'" pona.

³³ Iye'menukasa' na'ne' kasa:
"Enti', inonkasa' uya Sayan po, ti', ka'pon amũ'
e'pi'poto' ipona
miri awonsi'ki, ti', to' eno'manin,

§ 9:26 Oseya 1:10 * 9:28 Aisaya 10:22-23 † 9:29 Aisaya 1:9

miri awonsi'ki kɔri, kɔri ri si apurinin pe te'sen
 ipiyi'to' oton pen,"‡
 tukai'.

10

¹ Utonpa ton, uyewan e'to' i'se miri awonsi'ki
 ipɔremato' Papa pi' esi Esuwerɔ amɔ' epika'tito' pe.

² To' pi' ri usaurokɔ Papa i'tuto' tɔuya'nokon pi'
 kuru ri ipan pe to' e'tɔsa' tukai', e'tane to' e'to' ipan
 pe e'tɔpai esi Papa i'tuto' pi' pen ni.

³ To' uya Papa uya anɔn nito' ipoken e'nito' ya'
 ku'sa' se pe ri pi', miripan kon e'warinpasa' tiwano'
 kon ni nin ipoken e'nito' inkonekapai, to' e'tɔsa'
 pɔra iyesi Papa uya anɔn nito' ipoken e'nito' pe ya'.

⁴ Kɔrai esi main, Mosi' winon u'ma'sa' pe ri,*
 tanporon kon ni apurinin nan iwano' pe Papa uya
 anɔn ni ipokena' pe e'nito' ya'.

⁵ Mosi' uya ekama se na'ne' kasa ipoken e'nito'
 esi main wini: "Ka'pon seri ton ku'nin uko'mamɔ
 miri ton wini,"† ta.

⁶ E'tane Papa nanɔmɔnɔ ipokena' pe e'nito' ya'
 apurito' wini te'sen uya ta: "Kɔkai iyewan yau,
 'Inu' enuku Epɔn pona?‡" kɔkai ta (Kɔrai nu'tinin
 pe ta e'kwa pe),

⁷ "miri pe pɔra, 'Inu' u'ti seri i'nawon ya'?§"
 kɔkai ta (Kɔrai aru'nu'nin pe eri'nisa' apai ta e'kwa
 pe).

‡ 9:33 Aisaya 8:14; 28:16

* 10:4 Kɔrai esi main, Mosi' winon
 u'ma'sa' pe ri; miri pe pɔra, Kɔrai esi main, Mosi' winon a'ku'tisa' pe

ri † 10:5 Ripaiti'kas 18:5

‡ 10:6 Isu'taronomi 30:13

§ 10:7

Isu'taronomi 30:13

8 E'tane i'ri ken si ta Mosi' uya? “Main esi a'ko pe ipiyau; anta nau iyese miri awonsi'ki iyewan yau,”* ta iya, apurito' maimu si ina nekamayai'ne':

9 Anta ke ekama auya yau, “Sises esi Epuru wannu,” tukai', miri awonsi'ki apurii'ma iyewan yau Papa uya i'mu'sa'ka'pua iyeri'sa' apai, iyepika'ti ri.

10 Apune para iyewan pokon pe apuri auya miri awonsi'ki iyekoneka, miri awonsi'ki anta ke ekama auya miri awonsi'ki si iyepika'ti.

11 Imenukasa' itekare nikayai'ne' kasa, “Kari apuri pi' na'ne' ipiyi'to' para ri iyese,”† nikayai'ne'.

12 Apune para Esuweru amu' esi taron ni pe Esuweru amu' pen kasa para tato' para ri iyese—kari ri ri epuru esi tanporon kon epuru pe, miripan uya eke pe ri waku turu tanporon kon tesa'nin nan pona,

13 apune para, “Tanporon kon Itepuru ese' esa'nin nan epika'tito' oton,”‡ tasa' iya.

14 Nai kasa ken tanapurinu kon pen ni esaku'no to'? Miri awonsi'ki, nai kasa ken i'ri ri tanela'pu kon ipi' pen ni apurii'no to'? Miri awonsi'ki, nai kasa ken to' uya eta, inu' uya ri itekare ekama tane para ri to' pi'?

15 Miri awonsi'ki, nai kasa ken itekare ekama to' uya tenno'sa' kon pen ni e'tane? Iye'menukasa' na'ne' kasa, “I'ri pan waku ton ni i'ta ton kamoro waku itekare ne'nin nan!”§ tawon.

16 E'tane tanporo Esuweru amu' esi'pu pen waku itekare awiri. Aisaya uya tasa' kasa, “Epuru, inu' uya ina nekamanu itekare apurisa'?”* tawon.

* 10:8 Isu'taronomi 30:14 † 10:11 Aisaya 28:16 ‡ 10:13 Isoweru 2:32 § 10:15 Aisaya 52:7 * 10:16 Aisaya 53:1

17 Itepe'pɛ pe, apurito' uyepɛ tekamasen eta wini, miri awonsi'ki tekamasen useta Kɛrai maimu poro ina nekamanɛ pe te'sen.

18 E'tane ekama'po uya: To' uya pe' eta pɛra iyesi'pɛ? A'tai kanan ma:

“To' maimu utisa' siya ri non awiri,
to' maimu utisa' non u'matɛ ya' ri,”†
tasa'.

19 Ekama'pokapɛ uya kanan: Esuwerɛ uya pe' ito'ka'nɛkɛ pɛra iyesi'pɛ? Wapiya ri, Mosi' uya ta,
“Iyikintanɛkɛ uya 'nokon miri kamoro tɛpataron kon pen ni wini;
asakoropa uya 'nokon miri ito'ka'nɛ'nin nan pen ni tɛpataron kon wini,”‡

ta.

20 Miri a'tai nin si Aisaya uya ta miri enari'mɛra esii'ma,

“Kamoro uwarinpanin nan pen ni uya uyeporo'pɛ;
kamoro nai yau nai tawon nan pen ni ena' usenpoika'pɛ,”§

ta.

21 E'tane Esuwerɛ pi' ta iya,
“Pata tɛko'manɛ'se ri uyemiyatɛ tinkai' uko'mamɛ ka'pon amɛ' main awiron kon pen miri awonsi'ki sa'man ni itewan ton ena',”*
ta iya.

11

Esuwerɛ Pɛ'kɛ Rɛ'san Apuriton Kon

† 10:18 Eren 19:4 ‡ 10:19 Isu'taronomi 32:21 § 10:20 Aisaya 65:1 * 10:21 Aisaya 65:2

¹ Iyekama'po uya ken si: Papa uya pe' tumunki amu' ewaruma'tisa'? Kane ku! Uri ri niri Esuweru pon, Epura'an pa ru'pu, Pensiman ko' winipaino.

² Papa uya tumunki ton ewaruma'tisa' para iyesi, iwapiya ri tani'tu'san. I'tu auya para pe' nai iye'menukasa' itekare uya ta Iraisai pi' ipu'ku yau—Esuweru amu' pataka'pu iya Papa pi' iri pe to' e'sa pi':

³ “Itepuru, amaimu ekamanin nan pu'kena' amu' wipitu'pu to' uya, miripan kon uya iyena' use'man nito' apon a'morupitu'pu; uri riken e'nonkasa', miripan kon esi uri ri niri inwika'pai,”* tawon?

⁴ I'ri ken si tukai' Papa uya eiku'pu nai? “Uiwano' pe 7,000 kaisaron kon nonkasa' uya man iye'sekunkasa' kon pen Peyaru pi',”† tukai'.

⁵ Miri kasa ri mari, seri a'tai tu'ke para to' tonpa'san esi waku nonkasa' wini anansa' kon.

⁶ Miri awonsi'ki waku nonkasa' wini iyesi yau, tarawaso wini iyesi pen; miri kasa iye'sa' yau, waku nonkasa' esi pen ni miri waku nonkasa' pe.‡

⁷ I'ri ken? Ipan pe tunwarinpa'pu kon eposa' Esuweru amu' uya para iyesi, e'tane taron kon to' tonpa ton anansa' kon uya riken eporo'pu. Taron kon to' tonpa ton ewan usa'manta'pu,

⁸ iye'menukasa' na'ne' kasa:
“Papa uya to' repa'pu epe' ri e'nito' a'kwaru ke,
en ton to' uya ene namai'

11:1 Piri'pai 3:5 * **11:3** 1 Kin Amu' 19:10, 14 † **11:4** 1 Kin Amu' 19:18 ‡ **11:6** Taron ni imenukasa' ton uya waku nonkasa' pe. E'tane tarawaso ton winon pe iyesi yau, waku inonkasa' pe para ri nin si iyesi miri; miri pe iyesi yau, tarawaso esi miri tarawaso pe para ri, ta.

miri awonsi'ki pana ton to' uya eta namai',
seri wai pu'ku pona ri,"§
tukai'.

⁹ Miri awonsi'ki Tepi' uya ta:

“Tiwi to' tepurui nesii mare pe miri awonsi'ki to'
sa'manin pe,
to' e'pi'poto' ipona pe miri awonsi'ki to'
kota'manin pe.

¹⁰ Tiwi to' enu newarumamai to' uya ene namai',
miri awonsi'ki to' a'poi nuse'mei tiwiro' pe ri,"*
ta.

Are'na'tisa' Ipanta Ton

¹¹ Ekama'pokapu uya kanan: To' ri pe' e'pi'po'pu
tuta'mo'kai' te'ma'sa'ka ton kon pe para? Pen ni!
E'tane ru'ku, apune para main poremeku to' uya
pi', epika'tin nito' uye'sa' Esuweru amu' pen piya',
Esuweru amu' ikintanu'nin pe.

¹² E'tane main preme'sa' to' uya uya eke pe pata
pematu' ne'sa' yau, miri awonsi'ki to' eno'masa'
uya Esuweru amu' pen pematu' eke pe kupu yau,
miri entai kuru si eke pe ri paman nito' nepu
tanporo waku pe to' konekasa' Papa uya, uya!

¹³ Imiri'nokon auro'ka uya, Esuweru amu' pen.
Esuweru amu' pen ena' itekare ekamai' enno'sa' pe
esi wenai, eke pe kuru utawasooi kupu uya,

¹⁴ te'ku'se utonpa ton ikintanu'nin pe, to' tonpa
ton ni epika'tito' pe.

¹⁵ To' uya ewaruma'tito' esi yau non konekanin
pe, i'ri pe to' uya ananto' uya ikupu? Iyeri'sa' kon
na'po kasa iyese nurine to' e'to' ya'.

§ 11:8 Isu'taronomi 29:4; Aisaya 29:10 * 11:10 Eren 69:22-23

16 Ip_u'k_u pe wapiyaro' iteperu ki'masa' t_usa' enasa' yau wak_u pe, miri' a'tai nin si tanporon itonpa esi miri wak_u pe; imi' ton esi wak_u pe, miri kasa kanan ipanta ton esi miri.

17 Ipanta tonpa ton anpi'p_u pe iyesei yau, imiri si, mi airon are' enpu pe iwe'tane, ike ipata'p_u yai ri are'na'tisa', miripan nin si usewek_u ite'ku are' mi' winon pi',

18 miri ton ipanta ton pi' katapurii. Ikup_u auya yau, se pi' isenuminka': Imi' esa' pe iwesi pen, e'tane imi' esi iyesei' pe.

19 Miri a'tai si, ta auya, "Ipanta ton anpi'p_u uri ke itare'na'tito' pe."

20 Iye'to' pe ri iyesei, e'tane anpi'p_u miri ap_une p_ura apuri p_ura iyesei pi', miripan imiri nin si esi miri apurito' auya wini iye'm_u'sa'kasa'. Mi pe ke'kup_ui, e'tane enari'n_unki.

21 Ap_une p_ura Papa uya i'naino ipanta ton enkurunpasa' p_ura iyesei yau, imiri ri niri enkurunpa iya p_ura iyesei miri.

22 Miri pe iyesei pi', man_u' pe Papa e'to' miri awonsi'ki isi yai konekan nito' iya pi' isenuminka': isi yai kamoro ita'mo'kasa' ton konekato' iya, e'tane man_u' pe ipi' iyesei, man_u' pe iye'to' yau iwesi yau kanan. Miri p_ura iwesi yau, imiri ri niri a'ti miri.

23 Miri awonsi'ki tapurii' p_ura e'nito' yau to' esi p_ura iyesei yau, to' ri are'na'ti ipona, ap_une p_ura Papa ri esi to' are'na'tika'nin pe ri kanan.

24 Miri ri ta tane, auta'tisa' pe iyesei yau are' e' apai mi airon ni i'naino airon, miri awonsi'ki i'naino waraino pen ni utare'na'tisa' ipatamasa' are' e' ya', miri entai kuru ri nin seri ton, i'naino

ton ipanta ton, esi miri itare'na'ti taye' are' e' kuru ri nin pona!

Tanporo Esuweru Amu' Epika'tito' Oton

²⁵ Tonan tawon i'tunin nan pe pura iwesi kon i'se pura e'ai', utonpa ton, autaperuka kon namai': Esuweru uya sa'man pe enan i'tusa' miri ipu'ku pe ri tanporo Esuweru amu' pen ewomu pu'ku pona.

²⁶ Miri kasa nin si tanporo Esuweru amu' epika'ti miri, iye'menukasa' na'ne' kasa:

“Mo'kanin uye'to' oton Sayan wini;

Papa pura e'nito' ra'ti iya Seko' piyapai.

²⁷ Seri nin si miri† to' pokon pe ekonekato' iwini

to' makooi mo'kasa' uya a'tai,”‡

tukai'.

²⁸ Waku itekare esi na'ne' awiri, i'seyaton pe to' esi miri imiri'nokon pikiri; e'tane utanun nito' esi na'ne' awiri, to' usi'nunka tutamokori kon pikiri,

²⁹ apune pura Papa nuturunu ton miri awonsi'ki ki'man nito' iya esi inna'ponu pe pura.

³⁰ Pena Papa Maimu awiri pura me'ta'taine' kasa, main awiri pura to' esi moron nu'pu pe ipi'nokon usentu'man nito' eposa' auya'nokon,

³¹ miri kasa ri mari, Papa usentu'masa' ipi'nokon moron nu'pu pe, to' nin si enasa' main awiri pura tui'nokon usentu'man nito' epoto' pe tauya'nokon.

³² Apune pura Papa uya tanporo ka'pon amu' a'sisa' main awiri pura e'nito' ya', tanporo to' pi' tauusentu'mato' pe.

Papa Apuripi'to'

† 11:27 Seri nin si miri; miri pe pura, Seri e'to' oton ‡ 11:27 Aisaya 59:20-21; 27:9; Iseremaya 31:33-34

- 33 Eke si i'nawon ni Papa e'to' eke pe ipu'ketu miri awonsi'ki i'tunin pe iye'to'!§
 Iwarinpa pokena' pen ni eseru aimenkato' iya,
 miri awonsi'ki e'ma'puka pokena' pen ni ite'ma'pu!
- 34 “Inu' uya Itepuru usenuminkato' i'tu'pu?
 Miri pe puṛa, inu' ri esi'pu ipana'tinin pe?”*
- 35 “Inu' uya ri Papa repa'pu,
 Papa uya te'mato' pe?”†
- 36 Apuṇe puṛa iwinipai miri awonsi'ki iporo miri awonsi'ki itiwano' pe tanporon ni esi.
 Itiwano' pe eke pe iku'to' nesii, tiwiri ri! Amen.

12

Nurinan Use'man Nito' Ike

¹ Miri pe iyesi pi', iyekama'po uya 'nokon kuru, utonpa ton, isentu'ke' pe Papa esi pi', te'tusen pe iwesi kon pa nurinan use'man nito' ton ike ye' pe, waku, Papa pori'manin ye' pe—iya'kwaru* yau apuripi'to' auya'nokon.

² Seri oru eseru awiri inke ke'tau, e'tane isensimati' kuru iusenuminkato' kon eseru kupu wini emenna' pe, Papa eseru waku pe te'sen i'tunin pe nin si iwesi kon pa miri awonsi'ki waku pe iyesi ta kon pa—pori'manin pe te'sen miri awonsi'ki ima'takuu puṛa te'sen.

§ 11:33 Papa e'to' eke pe ipu'ketu miri awonsi'ki i'tunin pe iye'to'; miri pe puṛa, Papa e'to' eke pe, miri awonsi'ki ipu'ketu pe, miri awonsi'ki i'tunin pe iye'to' * 11:34 Aisaya 40:13 † 11:35 Isopu 41:11 11:36 1 Koren 8:6 * 12:1 iya'kwaru, miri pe puṛa ikupu poken

³ Apune para waku nonkasa' uyena' wini ta uya tanporo imiri'nokon pi': Eke pe kuru ri ipi'nokon ke'ku'tau iwe'to' kon entai ri, e'tane ru'ku, eseru aimenkato' yai isenti' nurinan yai, apurito' auya'nokon ke ti'tui' Papa uya irepasa' kon na'ne' ike.

⁴ Tikin ni upun kon esa' esi na'ne' kasa tu'ke ri ipu'ku ton e'tane, miripan seri ton ipu'ku ton esi pen tikin ni itarawasooi,

⁵ miri kasa Kurai yau uri'nokon, tu'kan kon ni ena tikin ni ipun pe, miripan esi isipu'ku pe'ne.

⁶ Isi'tai repapi'nito' esi, waku nonkasa' uyena'nokon awiri. Ka'pon repato' ike pe pu'kena' pe usauro'nito' esi yau, tiwi napurii apurito' tauya yau iyesi kaisari ri.

⁷ Apiyo' pe iyesi yau, tiwi apiyo' pe nesii; enupanin pe iyesi yau, tiwi enupan pi' nesii;

⁸ pori'mapi'nin pe iyesi yau, tiwi pori'man pi' nesii; entu'manin nan repanin pe iyesi yau, tiwi amare'mura ne'repai; epuru pe iyesi yau, tiwi esa' wann pe nesii ari'kena' pe; tausentu'masen pe iyesi yau, tiwi pori' pe esii'ma nukupai.

Usi'nankan Nito'

⁹ Usi'nankan nito' nesii i'nairon pe kuru. Iri eseru ewaruma'titi'; waku pi' ata'siti'.

¹⁰ Tausi'nankasen pe e'ti' isitonpa pe. Itonpa kon tnamai' iyentaino kon pe e'ti'.

¹¹ Emiya'ne' pe ke'tau, e'tane inku'paino ye' pe kuru aya'kwaru kon ke, Itepuru apiyo' ton pe e'ti'.

¹² Pori' pe e'ku'nito' yau, isi yau e'ni moronkanin pe e'ti', ipareman yau te'nonkasen pe para.

13 Papa munki amu' tekota'masan turepai' e'ti'.
Ka'karan ereutanu'sa' a're'tito' eseru taku'se e'ti'.

14 Tuwiparemai' waku kupu auya'nokon wenai
ikota'manin kon pona e'ti', te'pa'nu'se para e'ti'.

15 Tepori'mai' tepori'masan pokon pe e'ti'.
Tuukaranse tuukaransan pokon pe e'ti'.

16 Waku pe iseseru yau tako'mansan pe e'ti'. Mi
pe te'ku'san pe para e'ti', e'tane se pe te'san pokon
pe te'san pe e'ti'.† Tuutaperukasan pe para e'ti'.

17 Iri ku'nin nu'pu ipi'nokon kuse'matuu
iri ke. Ti'tui' waku iku'ti' ka'pon amu' uya
iyentane'nokon.

18 Iku'pu poken iyesei yau, iiwano' kon pe iwe'to'
kon awiri, iko'manti' isi pe para tanporon kon
pokon pe.

19 Kise'matuu, utonpa ton, e'tane Papa uya
kota'man nito' pata taku'se e'ti', apune para
iye'menukasa' esi: "Uri iwano' miri e'man; uri
uya ri e'ma," ta Itepuru uya.‡

20 Miri pe para:

"Iwan pe iyeyaton esi yau, a're'tiki;
tuna'kiri' ke iyesei yau, iwo'paki.

Seri kupu auya uya enkena' kamaruka' amuranuku
miri i'pai pona,"§

tasa' iya.

21 Iri kuru kusenanan iyentai'nokon, e'tane iri entai
enati' waku ke.

12:14 Ma'siu 5:44; Uru' 6:28 † 12:16 se pe te'san pokon pe te'san
pe; miri pe para, se pe ru'kwi ri te'san tarawasooi ye' inku'paino pe
e'ti' 12:16 Ipu'ketu 3:7 ‡ 12:19 Isu'taronomi 32:35 § 12:20
Ipu'ketu 25:21-22

13

Eke Ton Ena' E'tan Nito'

¹ Tanporon kon e'tato' pe iyese eke ton esa' wannì pe te'san ena', apune para moro inu' ri eke para iyese Papa nu'mu'sa'ka'pu pen. Eke pe na'ne' nan esi Papa nu'mu'sa'ka'san pe.

² Miri pe iyese pi', inu' ri eke pe te'sen ewa'nomanin uya Papa nukuu'pu ewa'noma miri, miri awonsi'ki kamoro miri ku'nin nan uya eseru aimenkato' nepu miri tupa'na'nokon ni.

³ Apune para nari' pe te'san pen ton ni kamoro esanon wannì ipokena' ku'nin nan pona, e'tane kamoro nin ipokena' pen ku'nin nan. Eke pi' pe enari'mura e'pai me'atuu? Ipokena' ken si iku'ti' ayapuripi'to' kon pe iya nin si.

⁴ Apune para Papa poitoru pe iyese waku pe iku'nin kon pe. E'tane ipokena' pen ku'sa' auya'nokon yau, ipi' enari'nanti', notan pe supara esa' pe te'sen pen kuri ri. Papa poitoru kuri ri, Papa uya kota'man nito' ne'nin kamoro iri ku'nin nan kota'mai'.

⁵ Miri pe iyese pi', e'tan nito' pe kuru iyese eke ton ena', to' uya kota'man pi' riken pen, e'tane ewan wannì uya i'tu pi' ri.

⁶ Miri wenai ri niri tamaranu'sen purata e'ma auya'nokon miri, apune para Papa poitoru pe eke ton esi pi', inke ri esa' wannì pe te'san pe.

⁷ Tanporo inwoma'san kon e'mati': Tamaranu'sen omasa' auya'nokon yau, e'mati'; intaranu kon yau iye'womasa' kon yau, e'mati'; eke pe iku'to' yau iye'womasa' kon yau, eke pe

iku'ka'ti' ri; inamato' yau iye'womasa' kon yau, inamaka'ti' ri.

Isi'nunkati', Apune Pura A'ko Pe Iweyu Esi Pi'

⁸ Fri ri te'masen kusenkurunpatu te'mai' pura, iusi'nunkato' kon niken enkurunpati' miyari ri usi'nunkan pi', apune pura kari tutonpa i'nunkanin uya main a'ku'tisa' pe iyesi.

⁹ Apiyontin nito' ike ton, "Iyemari'masa' pe esii'ma kekumai," "Inu' ri ku'wini," "Ama' pe kesii," "Ipan pe itonpa iwano' i'se kesii,"* miri awonsi'ki i'ri ton ni apiyontin nito' esi na'ne' amurasa' miri se tikin nan iporo e'nito' yau: "Itonpa i'nunkaki, misi'nunkayai'ne' kasa ri,"† tawon.

¹⁰ Usi'nunkan nito' esi isi pe tutonpa ku'nin pen ni. Miri pe iyesi pi', usi'nunkan nito' esi main awiri e'ni ekamanin pe.

¹¹ Miri awonsi'ki seri si iku'ti', seri pe e'nito' to'ka'nuku pe. Iweyu e'seposa' man aupakato' kon iye'nunto' kon apai, apune pura a'ko pe si epika'tin nito' esi pi' wapiya apuri a'tai iyesi'pa entai.

¹² Ewarupi utiiwaka'ni pi' man; pata ema'kapu pe ri iyesi. Miri pi' ewarupi yau tuku'sen amaka'pai'nokon miri awonsi'ki a'kwa amataai ya' enai'ma.

¹³ Waku pe te'san pe e'nipai'nokon, wui naino kon pe, ipi' ri te'kamai' e'taripan pi' pura miri awonsi'ki te'taripasan pe pura, ekuman pura miri awonsi'ki ipan pe iri kupu pi' iko'manpai e'ni pi' pura, iseseru yau pura e'nito' pura miri awonsi'ki ikintan pura.

13:7 Ma'siu 22:21; Ma' 12:17; Uru' 20:25 * **13:9** E'sotas 20:13-15; Isu'taronomi 5:17-19, 21 † **13:9** Ripaiti'kas 19:18

14 E'tane ru'ku, Itepuru Sises Kurai ke epontinpai'nokon, miri awonsi'ki a'naino kon makoi‡ e'to' i'se pi' t̄ausenuminkai' p̄ara imaimu awiri iwe'to' kon pi'.

14

I'si'm̄an Miri Awonsi'ki Pana'pan

1 I'si'm̄ara na'ne' apurito' iya yau, ananti', iteseru taimenkai' p̄ara t̄aron ni pe iteseru esi pi' ipokon pe te'sei'pi'se p̄ara.

2 Tikin nan ka'pon uya apurito' uya ikup̄a tanporon pi' ri tenta'nasen pe, e'tane t̄aron ni, i'si'm̄ara te'sen apurito' iya enta'na ipatamasa' kiyari pi' riken.

3 Ka'pon tanporon pi' ri tenta'nasen, k̄ari ipatamasa' kiyari pi' tenta'nasen pi' k̄a'sewaruma'tinin, miri awonsi'ki ka'pon tanporon pi' tenta'nasen pen k̄ari tanporon pi' tenta'nasen pe te'sen eno'manin, ap̄ane p̄ara Papa uya an̄ansa' pe iyese pi'.

4 In̄a' pe ken iwesi, ka'pon poitor̄a ri eseru aimenka pa? Itesa' pona iye'm̄a'sa'kasa' pe iyese miri pe p̄ara ita'mo'kasa' pe ri. Miri awonsi'ki iye'm̄a'sa'ka ri si, ap̄ane p̄ara Itepuru uya iye'm̄a'sa'kato' pe ikup̄a pi'.

5 T̄aron ni ka'pon pona eke t̄anamasen pe tikin nan w̄ai esi t̄aron ni ton kasa p̄ara; t̄aron ni ka'pon pona tanporon ni w̄ai esi isi'kaisa ri. T̄ukaisari'nokon t̄ausenuminkato' kon awiri to' ne-sii i'se te'to' kon pe kuru.

‡ 13:14 a'naino kon makoi, miri pe p̄ara ipun kon

⁶ Kuri eke pe kuru tikin nan wai esi nikayai'ne' uya ikupu miri Itepuru iwano' pe. Kuri o' anyai'ne' uya ani miri Itepuru iwano' pe, apune para Papa pi' tenki ta iya ke; miri awonsi'ki kuri ani iya para na'ne' uya ikupu miri Itepuru iwano' pe, miripan uya tenki ta Papa pi'.

⁷ Apune para uri'nokon uko'mamu uiwano' kon pe riken pen, miri awonsi'ki eri'ni uiwano' kon pe riken pen.

⁸ Uko'man ni pe iyesi yau, Itepuru iwano' pe uko'man ni; miri awonsi'ki eri'ni pe iyesi yau, eri'ni Itepuru iwano' pe. Miri pi' si, uko'man ni pe iyesi yau miri pe para eri'ni pe iyesi yau, Itepuru iwano' pe ri e'ni.

⁹ Seri wenai kuru si, Kurai eriku'pu miripan e'mu'sa'ka'pu nurine te'to' ya', iyeri'sa' kon miri awonsi'ki nurine te'san epuru pe te'to' pe.

¹⁰ Imiri si, i'rito' pe itonpa eseru aimenka auya? Miri pe para, i'rito' pe itonpa ewaruma'ti auya? Tanporo uri'nokon e'mu'sa'kasa' e'to' oton Papa uya eseru aimenkato' apon piyau.

¹¹ Iye'menukasa':
 “ ‘Uko'manyai'ne' kasa,’ ta Itepuru uya,
 ‘Tanporon kon e'sekunkato' oton urau;
 tanporon ani uya ekamato' oton Papa pi,’ ”*
 tukai'.

¹² Miri pi' nin si, ukaisari'nokon usekaman nito' oton kon Papa pi'.

¹³ Miri pe iyesi pi', utonpa kon amu' eseru aimenkato' ereutanu'pai'nokon. E'tane ru'ku, iusenuminkato' kon ikonekati' itonpa kon

e'pi'poto' ipona miri pe para iwa'ku'nin taru auya'nokon namai' ite'ma ta'.

14 Uri, Itepuru Sises yau te'sen ye' pe, upona kuru iri pe te'sen kiyari† para ri iyese. E'tane inu' uya ri iri pe ikupu yau, iri pe ri iyese miri ipona.

15 Itonpa e'kauma pe iyese yau anani'pu pi', usi'nukan nito' esi pen ni miri inkupanu yau. Anani'pu itonpa ma'tanu'nin Kurai uma'ta'pu iwe-naino pe ru'pu.

16 Waku pe inkupanu kase'nin iri pe usauro'nito' ipi' pe.

17 Apune para Papa e'to' esa' wanni pe esi pen enta'nan miri awonsi'ki ensi pe pen, e'tane Papa uya anan ni ipokena' pe, tusewankamai' para miri awonsi'ki pori' pe Waku A'kwaru yau,

18 apune para Kurai tarawasooi pe te'sen seri kasa esi Papa pori'manin pe miri awonsi'ki ka'pon amu' uya waku tato' ipi' pe.

19 Miri pe iyese pi', tusewankamai' para e'nito' ya' miri awonsi'ki isi'kaisa ri usemo'kan nito' pe apurito' yau epika'tin nito' ya' anin ku'pai'nokon.

20 Papa tarawasooi ku'ma'tanu'tau kiyari pikiri ri. Tanporon kiyari esi waku pe Papa enu yau, e'tane ipoken para iyese ka'pon enta'na a'tai taron ni e'pi'po emapu'tinin pe.

21 Waku pe pari iyese o' tanse para e'ni miri pe para waain tensii' para miri pe para i'ri ri tuku'se para itonpa uta'mo'ka emapu'tinin pe.

22 Miri wenai, mapuriyatui'ne' seri ton pi' enkurunpati' imiri'nokon miri awonsi'ki Papa

† 14:14 iri pe te'sen kiyari; miri pe para, iri pe te'sen

ya' riken. Pori' pe te'sen kəri ri ka'pon tiwano' pe tūseno'masen pen wakū tato' tūyua ipi' wini.

²³ E'tane kəri ka'pon ikasimanin useno'masa' miri iyenta'nasa' yau, apune pūra iyenta'nato' esi apurito' iya wini pūra; miri awonsi'ki tanporon apurito' wini pūra naye'ai'ne' esi makoi pe.

15

¹ Uri'nokon pana' pe te'san e'to' pe iyesi i'si'manon pokon pe to' uya ikupū pūra iye'to' yau to' pika'ti pi', iwano' wanni pe ri upori'manin kon tuku'se pūra.

² E'ni na'ne' kaisa ri utonpa kon tūpori'mai' e'nito' pe iyesi, wakū pe to' ku'nin pe, to' pika'tinin pe tūsemo'kasan pe to' uya apurito' yau.

³ Apune pūra Kərai ri niri uya tūpori'manin ku'sa' pūra iyesi, e'tane iye'menukasa' na'ne' kasa: “Asapemato' asapemanin nan uya uta'mo'kasa' man upona,”* tasa'.

⁴ Apune pūra tanporon ni iye'menupi'sa' na'ne' e'menupitū'pū uyenupanin kon pe, imoronka wini miri awonsi'ki iye'menukasa' itekare uya tūpori'mai', e'ku'nito' epoto' pe.

⁵ Tiwi Papa imoronkato' pe ku'nin miri awonsi'ki pori'mapi'nin a'samatū yau iwesi kon a'kwarū ke irepatū Kərai Sises pikiri iwesi kon koro'tau,

⁶ tikin ni nin si itewan miri awonsi'ki inta esii'ma uri'nokon Epuru Sises Kərai e'to' itese' pi' Papa miri awonsi'ki Ikəipənū apuripitū kon pa.

⁷ Itonpa kon si tanūse e'ti', Kərai uya ayanūnsa' kon na'ne' kasa, Papa apuripito' ne'nin pe.

* 15:3 Eren 69:9

8 Ekama uya ipi'nokon Kurai enasa' Esuweru amu'† poitoru pe Papa e'to' i'nairon pe ekamanin pe, isauro'sa' ru'pu iku'to' pe tauya tukai' tamokori ton amu' pi'

9 Esuweru amu' pen uya Papa apuripi'to' pe isentu'ke' pe iyese pi', iye'menukasa' na'ne' kasa:
 “Seri wenai ayapuripitu uya miri Esuweru amu' pen koro'tau;
 eren erenka uya miri iyese' pi',”‡
 tasa' iya.

10 Taka'sa' iya kanan,
 “Epori'mati', Esuweru amu' pen, imunki amu' pokon pe,”§
 tasa' iya.

11 Miri awonsi'ki kanan,
 “Itepuru apuripi'ti', tanporon kon Esuweru amu' pen,
 miri awonsi'ki apuripi'to' erenkati', tanporon kon ka'pon amu',”*
 tasa' iya.

12 Miri awonsi'ki kanan, Aisaya uya ta,
 “Ise'si Atu ru'pu e'mu'sa'ka miri,
 kuri te'mu'sa'ka ton tapataron kon esa' pe te'to' pe;
 Esuweru amu' pen e'ku'to' e'to' oton iyau,”†
 ta iya.

13 Tiwi Papa e'ku'nito' ipi' ikupui'nokon eke pe kuru pori' pe miri awonsi'ki tausewankamasen pe para tapuri auya'nokon koro'tau, ayanaku kon

† 15:8 Kiri' maimu uya *itun pi'pi iputurukasa' ton ta*, ‡ 15:9 2
 Sanweru 22:50; Eren 18:49 § 15:10 Isu'taronomi 32:43 * 15:11
 Eren 117:1 † 15:12 Aisaya 11:10

pa iye'ku'to' kon ike ke Wak_u A'kwar_u meruntir_u wini.

Paar_u, Esuwer_u Am_u' Pen Poitor_u

¹⁴ Sapuriyai' kuru ri, utonpa ton, imiri'nokon esi wak_u pe kuru ri, i'tuto' auya'nokon yau iyenuka'sa' pe iwesi kon miri awonsi'ki itonpa kon enupanin nan pe kuru ri.

¹⁵ Imenukasa' uya 'nokon man enari'm_ura taron ni ton pi'ne, iyemiya'pontikap_u kon pe ri kanan, Papa uya wak_u nonkasa' pi' ri urepa pe,

¹⁶ K_urai Sises poitor_u pe e'to' pe Esuwer_u am_u' pen iwano' pe use'man tarawasomanin eseru yau wak_u Papa ekareei ekama pi', Esuwer_u am_u' pen enato' pe Papa nan_um_un_u ton wak_u tutusan ton pe, Wak_u A'kwar_u wini iyekonekasa' kon pe.

¹⁷ Miri pe iyesi pi', mi pe e'kup_u K_urai Sises yau Papa poitor_u pe esi pi'.

¹⁸ I'ri pi' ri usaurok_u pen K_urai n_ukup_u'p_u uporo pi' riken Esuwer_u am_u' pen ari pi' Papa Maimu awiron kon pe usauro'sa' ru'p_u miri awonsi'ki un-kup_u'p_u wini—

¹⁹ ento' ipi' miri awonsi'ki eke Papa tarawasooi meruntir_u wini, Iya'kwar_u meruntir_u poro. Miri pi' si Surusiran ponsi'ki siyari Iriri'kun pona ri, wak_u itekare K_urai iwano' ekama pi' e'sa' seri tanporo kuru ri.

²⁰ Wak_u itekare inekamapai kuru e'pi'pitu K_urai i'tu para na'ne' airi, in_u' ri nutakaa'p_u po ami uya namai'.

²¹ E'tane ru'ku, iye'menukasa' na'ne' kasa:

“Kamoro ipi' auro'kasa' kon pen uya ento' oton,

miri awonsi'ki etanin nu'san pen uya
ito'ka'na'to' oton,"‡
tasa' iya.

22 Miri wenai inke ri ipiya'nokon uti para iyese
usemapu'tipi'sa' miri.

Paaru Ekonekato' Ron Pona Utin Pi'

23 E'tane si seri ton nono yau e'tarawasomato'
para iyese pi', miri awonsi'ki inke kuru ri wapiya
tenno'pi'se iyenpai'nokon e'sa' pi',

24 ikupu pi' nin si ekoneka uti a'tai Sa'pen pona.
Uti koro'tau ipiya'nokon upika'ti kon pa utito' yau,
miri yau uyewakiri pe ri aka'ne' pe ri ipokon pe esi
tupo.

25 E'tane para ri, uti si seri Surusiran pona waku
ton miri yawon kon apiyo' pe.

26 Apune para Ma'sitoniya miri awonsi'ki A'kaya
pon kon esi'pu pori' pe entu'manin nan waku
ton koro'tawon kon Surusiran pon kon pika'ti
tuuya'nokon pi'.

27 Pori' pe ri to' esi'pu ikupu tuuya'nokon pi', to'
uya iku'to' pe ri iyese to' iwano' pe. Apune para
Esuweru amu' pen uya Esuweru amu' neporonu
iya'kwaru pe te'sen waku ri eposa' pe iyese yau, to'
uya kuru ri iku'to' pe iyese Esuweru amu' pokon pe
ri non pon waku ri tiwano' kon ekanto' pe iyese.

28 Seri si tarawaso enuka'na'sa' uya tupo
miri awonsi'ki to' uya si tūneporonu kon
eposa' ene tupo, uti si miri Sa'pen pona uti pe
iyenei'ma'nokon.

29 Si'tuyai', uye'sa' a'tai ipiya'nokon, uye'pu miri
eke pe kuru Kurai uya iparemasa' kon esa' pe.

‡ 15:21 Aisaya 52:15 15:22 Ron 1:13 15:25 1 Koren 16:1-4
15:27 1 Koren 9:11

³⁰ Iyekama'po uya 'nokon kuru, utonpa ton, uri'nokon epuru Sises K̄urai miri awonsi'ki Iya'kwar̄a usi'n̄ankato' wini, e'suranmato' yau tikin ni upokon pe iyena kon i'se esi, upona Papa pi' iwip̄arema kon yau.

³¹ Ip̄aremati' apurinin nan pen Isutiya pon kon enapai emo'kato' pe miri awonsi'ki Surusiran po e'turawasomato' e'to' pe wak̄a ton miri yawon kon nan̄m̄n̄a pe.

³² Miri a'tai si Papa eseru pe iyesi pi' uye'to' pe ipiya'nokon pori' pe ipokon pe e'se'na.

³³ Papa, usewankaman nito' p̄an ni nesii tanporo ipiyau'nokon. Amen.

16

Tumiri Pe Ri Nin Si Miyari Tato' Iya

¹ Ipi'nokon ina parusi Pepi ekama uya, so'si Senk̄are yawon poitor̄a pe te'sen.*

² Iyekama'po uya 'nokon Itepuru awiri an̄m̄m̄ kon pa wak̄a ton an̄nto' eseru yau miri awonsi'ki i'ri ri i'se iye'to' iwinīp̄aino kon ke ipika'titi', ap̄ane p̄ara eke pe ri tu'kan kon ni ka'pon am̄a' pika'tinin k̄uri ri, uri ri to' tonpa pe.

³ Miyari ka'ti' P̄are'sira† miri awonsi'ki A'kira pi', e'turawasoma K̄urai Sises yau tonpa ton pi'.

⁴ T̄uma'tato' kon annau ri upika'ti'p̄a to' uya. Uri riken pen e'tane tanporon ni so'si ton Esuwer̄a am̄a' pen iwano' ton esi pori' pe to' pi'.

⁵ Miyari ka'ti' ri mari so'si to' iw̄a' tau tam̄arasan pi'.

* **16:1** poitor̄a; miri pe p̄ara, uri'san so'si epuru pika'tinin † **16:3** Kiri' maimu uya P̄ares̄a'ka ta. **16:3** Inkup̄a'p̄a 18:2

Miyari ka'ti' utonpa ru'kwi Epene'tos pi', wapiya kuru iyera'tisa' ru'pa Kurai winikui' Eisa nono po.

6 Miyari ka'ti' Meri pi', sa'man pe kuru iiwano' kon pe iye'turawasomasa' ru'pa.

7 Miyari ka'ti' Anturoni'kas miri awonsi'ki Isuniyas,‡ utonpa ton, upokon pe pariki'si tau iye'sa' kon. Eke ton pe kuru itekare ekamai' enno'sa' kon koro'tau te'san kamoro, miri awonsi'ki urawiri Kurai yau to' esi'pa.

8 Miyari ka'ti' Anpuriya'tas pi', Itepuru yau uni'nankanu.

9 Miyari ka'ti' Orupanos pi', Kurai yau e'turawasoman tonpa, miri awonsi'ki utonpa ru'kwi Su'ta'kes.

10 Miyari ka'ti' A'peres pi', waku ye' pe Kurai yau i'tusa'.

Miyari ka'ti' Arestoporos tonpa ton pi'.

11 Miyari ka'ti' utonpa, Esuweru pe te'sen Eratiyan pi'.

Miyari ka'ti' Narusisas amutu pe te'san pi', Itepuru yawon kon.

12 Miyari ka'ti' Turai'pina miri awonsi'ki Turai'posa pi', kamoro uri'sami'si amu' sa'man pe ri te'turawasomasan Itepuru apiyo' pe.

Miyari ka'ti' utonpa ru'kwi Piruses pi', kari ri kanan uri'san sa'man pe kuru ri iye'turawasomasa' Itepuru apiyo' pe.

13 Miyari ka'ti' Ru'pos pi', anansa' Itepuru iwano' pe, miri awonsi'ki isan, usan pe ri kanan

‡ 16:7 *Isuniyas*; miri pe para *Isuniya*; miri pe para *Isuriya* —uri'san pe iyesi'pa ta e'kwa pe.

iye'sa' ru'pu.

14 Miyari ka'ti' Asenkuri'tas, Purrekon, Irames, Pa'turopas, Iramas miri awonsi'ki tonpa ton amu', to' piyau na'ne' nan pi'.

15 Miyari ka'ti' Pirorokas, Isuriya, Nereyas miri awonsi'ki iparusi, miri awonsi'ki Orenpas miri awonsi'ki tanporo wakū ton to' piyau na'ne' nan.

16 Miyari ka'ti' isipokon pe wakū eseru yau auta'su'ka kon pe.

Tanporon Kurai so'sii ton miyari nikayan.

17 Iyekama'po uya 'nokon kuru, utonpa ton, kamo e'ta'nu'ni emapu'tinin nan enei'ma iwesi kon pa miri awonsi'ki iye'mata'nokon awa'ku'nin kon tanin nan. To' nukupunu esi iusenupa'pu kon ipi' kasa pura ri. To' piyau ke'tau.

18 Apune pura pūsamoro rupi esi uyepuru kon Kurai apiyo' pe pura, e'tane tiwano' kon ni. Wakū pe kuru ri tūsaurokū kon ke, miri awonsi'ki enakan nito' ike ke entu'ma' ri te'san ka'pon amu' enku'ti to' uya.

19 Tanporon kon uya ri main awiri iwe'to' kon etasa' man, miri wenai ipan pe ri pori' pe e'ai' ipi'nokon; e'tane wakū pe te'sen ti'tui' iwesi kon i'se e'ai', miri awonsi'ki iri ku'nin nan ye' pe pura.

20 Papa usewankaman nito' pan ni uya Se'tan§ amo'korokū miri a'ta kon o'no.

Uyepuru kon Sises uya wakū nonkasa' nesii ipiyau'nokon.*

16:13 Ma' 15:21 § 16:20 Se'tan—Makoi ese' isakon, Papa eseru ewaruma'tinin ta e'kwa pe. * 16:20 Turon ni ton imenukasa' ton uya seri airon nonkasa'.

21 Temu'ti, e'tarawasoma tonpa man miyari ta pi' ipi'nokon, Rusiyas ri, Ise'sun miri awonsi'ki So'sipa'tiru, utonpa ton.

22 Uri, Tiru'tiyas, kareta menukanin nu'pu, miyari nikayan ipi'nokon Itepuru yau.

23 Kayas, tewakiri kon pe uri miri awonsi'ki tanporo ri so'si na'ne' seru yau itiwu' tau te'san miyari nikayan ipi'nokon.

Erastas, eke pata parataai esa' pe te'sen, miri awonsi'ki utonpa kon Kuwaru'tas miyari nikayan ipi'nokon.†

25 Apuripi'to' tupai'nokon Papa ena! Pana' pe iye'mu'sa'ka kon apuri auya'nokon yau kupu iya, waku itekare sekamayai'ne' kasa ri, itekare Sises Kurai pi' miri awonsi'ki ama'aino i'nairon onansa' ru'pu pena ri usenpoikasa' na'ne' kasa ri.

26 E'tane nin si isenpoikasa' pu'kena' amu' numenuka'pu awiri Papa tiwi ri tuku'mansen uya apiyontin awiri, tanporo tupataron kon uya tapurito' pe miri awonsi'ki tumaimu awiri to' e'to' pe.

27 Papa riken ta'kwaru kenan iwano' pe eke pe iku'to' nesii tiwiri ri Sises Kurai poro! Amen.

16:21 Inkupu'pu 16:1 † 16:23 Turon ni imenukasa' ton uya v. 24 ke iponantisa' se kasa: 24 Tiwi uyepuru kon Sises Kurai uya waku nonkasa' na'ne' nesii tanporo ipiyau'nokon, Amen ta.

**Wakɔ Itekare: Emenna' Pe Ekonekan Nito'
New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akawaio

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 18 Apr 2025 from source files dated 29 Jan 2022

0a50da4e-768d-5472-9dd1-d9747ff5918f